

მაია ხაჯიშვილი: საქართველო ყოველთვის იქნება ერასმუსის პროგრამის ძლიერი პარტნიორი

ბათუმის შოთა რუსთაველის სახელმწიფო უნივერსიტეტში მეექვსე საერთაშორისო კვირეული, რომელიც სტრატეგიული განვითარებისა და საერთაშორისო ურთიერთობების დეპარტამენტის ორგანიზებით ხორციელდება, დასრულდა.

კვირეულის ფარგლებში ბსუ-ს 12 უნივერსიტეტის 20-ზე მეტი წარმომადგენელი ეწვია. იგი მიზნად ისახავს - უნივერსიტეტის ინტერნაციონალიზაციის ხელშეწყობას, ბსუ-ის პოპულარიზაციას, ერთობლივი საერთაშორისო პროგრამებისა და პროექტების დაგეგმვას, პარტნიორ უნივერსიტეტებთან თანამშრომლობის გაღრმავებას, მომავალში თანამშრომლობის მიზნით, ახალი ხელშეკრულებების ხელმოწერას.

საერთაშორისო გაცვლითი პროგრამების პარტნიორი ქვეყნების (პოლონეთი, ბულგარეთი, გერმანია, ჩრდილოეთ მაკედონია, ჩეხეთი, სლოვენია, საფრანგეთი, ისრაელი, მალტა, ლიეტუვა, საბერძნეთი) ადმინისტრაციული და აკადემიური პერსონალის წარმომადგენლებმა შეხვედრები გამართეს უნივერსიტეტის ადმინისტრაციასთან, აკადემიურ პირებთან, სტუდენტებთან, გაეცნენ უნივერსიტეტის ინფრასტრუქტურას.



კვირეულის ფარგლებში, გაიმართა ტრენინგი „ერთობლივი საგანმანათლებლო პროგრამების (ორმაგი დიპლომები)“ შექმნის საკითხებზე.

- საერთაშორისო კვირეულს უკვე მეექვსედ ვატარებთ და სასიამოვნოა, რომ ყოველ-

წლიურად იზრდება მონაწილე ქვეყნების რიცხვი. ეს არის ღონისძიება, რომელიც ხელს უწყობს ინტერნაციონალიზაციის განვითარებას ბათუმის სახელმწიფო უნივერსიტეტში, ასევე, საერთაშორისო ცნობადობის გაზრდას, მეტ შესაძლებლობებს ქმნის აკადემიური წევრებისთვის და სტუდენტებისთვის, რომ მათ საერთაშორისო მობილობაში მეტად მიიღონ მონაწილეობა. წელს სიახლე ის იყო, რომ კვირეულის ფარგლებში ჩატარდა ტრენინგი, რომელიც ერთობლივ საგანმანათლებლო პროგრამებს შეეხო. რაც მეტი საერთო პროგრამა გვექნება, მით უფრო გაიზრდება საერთაშორისო სტუდენტების რაოდენობა ჩვენს უნივერსიტეტში. სხვადასხვა უნივერსიტეტიდან ერთად განხორციელდება არაერთი პროგრამა და გაიცემა ორმაგი დიპლომები, - გვითხრა ბსუ-ის სტრატეგიული განვითარებისა და საერთაშორისო ურთიერთობების დეპარტამენტის უფროსმა მარინე გიორგაძემ.

საერთაშორისო კვირეულის მონაწილეებს მადლობა გადაუხადა ბათუმის შოთა რუსთაველის სახელმწიფო უნივერსიტეტის რექტორმა ტიტე არიშიძემ.

იხ. მე-7 გვ.

მსოფლიოს საუკეთესო ნიჩბოსნები – ბათუმში

საქართველომ, კერძოდ, ბათუმმა, პირველად უმასპინძლა „დრაგონ ბუათის“ ევროპის ღია ჩემპიონატს (ფესტივალს). მსგავსი მასშტაბის ღონისძიება ამ სახეობაში არა მხოლოდ საქართველოში, არამედ მთლიანად ამიერკავკასიაში პირველად გაიმართა

საერთაშორისო სპორტული ღონისძიება საკმაოდ მასშტაბური იყო, მასში 27 ქვეყნის 400-ზე მეტი სპორტსმენი მონაწილეობდა. მსგავსი ჩემპიონატების გამართვა ბათუმში მნიშვნელოვანია, რადგან ის ხელს შეუწყობს როგორც სპორტული ტურიზმის განვითარებას, ასევე, ჩვენი ქალაქის ცნობადობის გაზრდას საერთაშორისო ასპარეზზე.



ჩემპიონატის ორგანიზატორი იყო საქართველოს სპორტის სამინისტრო, საქართველოს კანოესა და ნიჩბოსნობის ეროვნული ფედერაცია, აჭარის მთავრობა, ბათუმის მერია, აჭარის განათლებისა და სპორტის სამინისტრო, ბათუმის სპორტული ცენტრი, სპორტის დეპარტამენტი.

ჩემპიონატის გახსნას აჭარის მთავრობის თავმჯდომარე სულხან თამაზაშვილი დაესწრო.

როგორც საქართველოს კანოესა და ნიჩბოსნობის ეროვნული ფედერაციის პრეზიდენტი ზაზა ნადირაძემ გვითხრა:

- ჩვენი ფედერაცია მზადაა ხელი შეუწყოს სპორტის ამ სახეობის განვითარებას. ბათუმში ნიჩბოსანთა რაოდენობა ყოველ წელს იზრდება და ჩვენი სპორტსმენები საქართველოს ჩემპიონატებზეც კარგად გამოდიან. ბათუმს ჰქონდა ამ სპორტში საკუთარი ისტორია. სასიხარულოა, რომ იგი თავის ტრადიციებს აგრძელებს. ყველაფერი გაკეთდა, რომ ეს დღეები ორგანიზებულიდ, ღამაზად ჩატარებულიყო. დიდი მადლობა ბათუმის მერიას, სპორტულ ცენტრს, ყველას, ვინც გვერდით დაგვიდგა. რაც შეეხება ქართველებს, ვინაიდან „დრაგონ ბუათი“ (ეგრეთ წოდებული „დრაკონის ნავი“) ჩვენთვის სპორტის ახალი სახეობაა, შედარებით მოკრძალებულად გამოვედით. თუმცა, საქართველო, როგორც სპორტული ქვეყანა, ყველა სახეობის სპორტის განვითარებას მიესალმება. ამდენად, სასიხარულოა, რომ ჩვენი ძალების პირველი მოსინჯვა არცთუ ისე ცუდი იყო. საერთო ჯამში, მეხუთე ადგილი დავიკავეთ. მასში ბათუმელებიც მონაწილეობდნენ, ოღონდ პატარების გუნდი და მათ მეოთხე ადგილი დაისაკუთრეს, - გვითხრა ზაზა ნადირაძემ.

ეს შეჯიბრება სხვადასხვა ქვეყანაში ყოველწლიურად ტარდება. წელს კი საქართველოს ფედერაციამ საქართველოში ჩაატარა. ამაში დიდი როლი წარმატებული ნიჩბოსნის ზაზა ნადირაძის წვლილი.

- ეს ტურნირი ჩვენს რეგიონში სპორტული ტურიზმის განვითარების მხრივაც იყო მნიშვნელოვანი. დარწმუნებული ვარ, რომ ბათუმი სამომავლოდაც გააგრძელებს მსგავსი ასპარეზობების ორგანიზებას. ჩვენი სურ-

ვილია, რომ სპორტის ამ სახეობაში 2027 წელს მსოფლიო ჩემპიონატსაც ვუმასპინძლოთ, - გვითხრა ბათუმის სპორტული ცენტრის დირექტორმა უჩა აბრამიშვილმა.

შეჯიბრება ქალაქის პარკში, ნურიგელის ტბაზე ჩატარდა და გამარჯვებულებიც იქვე დააჯილდოვეს. დაჯილდოებას ქალაქ ბათუმის მერის მოვალეობის შემსრულებელი გიორგი მურვანიძე, აჭარის სპორტის დეპარტამენტის ხელმძღვანელი ირმა ნადირაძე დაესწრნენ.

გიორგი მურვანიძე მიესალმა შეკრებილებს, მადლობა გადაუხადა ორგანიზატორებს მსგავსი მასშტაბის ღონისძიების ბათუმში ჩატარებისთვის, გამარჯვებულებს კი წარმატება მიულოცა.

- ვორონეჟიდან ვართ, საერთო ჯამში პირველი, მეორე და სამი მესამე ადგილი დავიკავეთ. აქვე უნდა გითხრათ, რომ ყველაფერი არაჩვეულებრივად იყო ორგანიზებული, პირობები - საუკეთესო... იმდენად მოგვეწონა, რომ თუ ისევ აქ ჩატარებენ, სიამოვნებით ჩამოვალთ, - გვითხრა ნიჩბოსანმა ანა შირაევამ.

- „დრაგონ ბუათი“ პირველად გმონაწილეობ, ეს ჩემთვის ახალი გამოცდილება, სპორტის ახალი სახეობაა, თუმცა ნიჩბოსნობაზე ექვსი წელია დავდივარ. შევეცდები, სამომავლოდ უფრო კარგი შედეგი ვაჩვენო, რადგან სპორტის ეს სახეობა ძალიან მომწონს, სანახაობრივად მიმზიდველია, - აღნიშნა 19 წლის ფოთელმა ნიჩბოსანმა ომერ გაბედავამ.

მანანა კიბიშვილი

ISSN 2720-8702



9 772720 870003

გამოიცანით გაზეთი «აჭარა»!

ვისაც სურს მიიღოს მაქსიმალურად ზუსტი ინფორმაცია და ობიექტური ანალიზი არა მარტო ჩვენი რეგიონის, სრულიად საქართველოს პოლიტიკური, ეკონომიკური, სოციალური და კულტურული ცხოვრების მთავარი მოვლენების შესახებ, შესაბამისი თხოვნით მიმართოს სადისტრიბუციო ორგანიზაციას «ბათუმი ექსპრესი» (ქ. ბათუმი, ჭავჭავაძის ქ. №90, ტელ: 555 86 12 21). მისი დახმარებით თქვენს მისამართზე მიიღებთ გაზეთ «აჭარის» ყოველ მომდევნო ნომერს.

გამოიწერეთ და ითანამშრომლეთ გაზეთ «აჭარასთან»! ჩვენთვის ძვირფასია თითოეული თქვენგანის აზრი! წამოჭრილი პრობლემების შემთხვევაში დავგვიკავშირდით: 577 20 43 55.

ოთხი თვე არჩევნებამდე – ბოიკოტი თუ მონაწილეობა?

ოპოზიციურმა პარტიებმა ერთმანეთში გაუფერობიდან დაპირისპირებაზე გადაინაცვლეს. ახლა უკვე ბრძოლა ფეისბუქპოსტებით მიმდინარეობს. ახლო წარსულში ერთი მაგიდის ირგვლივ გაერთიანებული ოპოზიციის წევრები ერთმანეთს მედიითა და სოციალური ქსელებით ესაუბრებოდნენ. ასეთ ვითარებაში, ცხადია, მოლაპარაკების შანსი არ აქვთ, ვინაიდან პოზიციას არ იცვლის არც ერთი მხარე

შეტევის ძირითადი ობიექტი „ლელო - ძლიერი საქართველოა“, რომელსაც „ერთიანობა - ნაციონალური მოძრაობა“ და „კოალიცია ცვლილებისთვის“ წევრები სოციალური ქსელების თუ სხვადასხვა პლატფორმის მეშვეობით ღიად უპირისპირდებიან.

ოპონენტების კრიტიკა მიუღებელია „ლელოს“ ლიდერისთვის.

„სანამ საქართველოში არ იქნება პოლიტიკური კულტურა, რომ სერიოზული, არგუმენტირებული მსჯელობა გაიმართოს და არა იარაღების მიყენება და ფეისბუქშეურაცხყოფების მიყენება, არაფერი შეიცვლება, იმიტომ ვართ ამ დღეში. რაღაც ჭკუფს უნდა, თავს მოგვადგოს, შესაძლოა მართალი, შესაძლოა არამართალი პოზიცია, ამიტომ ყველას მოვუწოდებ, შეცდომა არ დაუშვათ, რომელიც ძალიან ბევრჯერ დაუშვა ოპოზიციამ წარსულში“, - განაცხადა მამუკა ხაზარაძემ მედიასთან საუბარში.

„ლელოსთან“ დაპირისპირებული ოპოზიციის ნაწილი კიდევ უფრო გააღვიძა ამ პარტიის წევრ ნიკა ჩერქეზიშვილის განცხადებამ ერთ-ერთი ტელეარხის ეთერში.

„გარანტია არ არსებობს, რომ არჩევნები არ გაყალბდება, ჩვენი მთავარი მიზანი უნდა იყოს, რომ ეს გაყალბება კიდევ ერთხელ თვალსაჩინო გახდეს ხალხისთვის“, - განაცხადა ჩერქეზიშვილმა, რომელსაც არ ჩამორჩა თანაგუნდელი ლევან სამუშია.

„არავინ ამბობს, რომ ესენი გაყალბებას გადაერჩევიან, მაშინ არასდროს არ უნდა მივიღოთ არჩევნებში მონაწილეობა?“, - იკითხა სამუშიამ და თავის პარტიასთან დაპირისპირებული ოპოზიციის ნაწილი კიდევ უფრო გააბრაზა, რასაც ოპოზიციონერი პოლიტიკოსებისა და მათი მხარდამჭერების ფეისბუქპოსტებზე მოწმობს.

ამ განცხადებების ფონზე რა გამოდის? ე.ი. „ლელომ“ წინასწარ იცის, რომ „ქართული ოცნება“ არჩევნებს გააყალბებს და მაინც ცდილობს, მიიღოს მასში მონაწილეობა იმის დასაბუთებლად, რომ „ოცნება“ არჩევნებს აყალბებს? ამ შეკითხვებზე პასუხს მაშინ გავიგებთ, როდესაც „ლელოს“ წევრები ღია საუბარს დაიწყებენ.

პარტია „გირჩი - მეტი თავისუფლების“

წევრებს კი გული სწყდებათ „ლელოს“ ამომრჩეველებზე, რომლებმაც მამუკა ხაზარაძის გამო პოზიცია შეიცვალეს.

- ამ მომენტში ყველაზე საცოდაობა ისაა, თუ როგორ დალაგა ხაზარაძემ პარტიის „ბაზლი“ და როგორ იმეორებს ეს ხალხი მათი ლიდერის სიტყვას. ეს აღმნიშნები ადრე ჩემთან ერთად ბათუმში აქციაზე იდგნენ და სრულიად განსხვავებულ რამეს ამბობდნენ, ახლა კი აზრი შეიცვალეს. ისეთი აღმნიშნები, რომლებსაც საკუთარი აზრი არ გააჩნიათ და ზემოდან ჩაძახილით მოქმედებენ, ჩემთვის მენტალურად „ქოცები“ არიან. თავად ხაზარაძეც ამბობდა, რომ არჩევნებში მონაწილეობა ღალატი იქნებოდა და რომ ეს ივანიშვილის „შემოგდებული“ საქმე იყო. მას, ამასთანავე, ხელი აქვს მოწერილი არჩევნებში არმონაწილეობასთან დაკავშირებით და დღეს მის ყველა სიტყვას ჭკოთი გადაახტა, 180 გრადუსით შემოატრიალა თავისი აზრები. მე ხაზარაძეზე დიდი წარმოდგენა ადრეც არ მქონია, მაგრამ ვწუხვარ იმ ხალხზე, რომლებიც მისი ერთი ჩაძახილით აზრს იცვლიან. სამწუხაროდ, არ მჯერა ასეთი ხალხის, ამას მათ პირშიც ვეუბნები და თქვენც გაზეთის მეშვეობითაც ვეტყვი, - გვითხრა პარტია „გირჩი-მეტი თავისუფლების“ აჭარის ორგანიზაციის ხელმძღვანელმა თემურ გორგაძემ.

ოპოზიციის ლიდერები „ლელოს“ ერთიანი პოზიციის დარღვევას ედავებიან, ხოლო თავად „ლელო“ ოპოზიციის ნაწილის კრიტიკას არაფრად აგდებს და საკუთარ პოზიციაზე რჩება, მოკლედ - „ძალიან ყვეს, ქარავანი მიდის“.

„ჩვენ გადაწყვეტილება არ გვაქვს მიღებული და ვერავინ ვერაფერს შეგაცვლივინებს. სამწუხაროდ, აღმნიშნებს მსჯელობის, პრობლემა აქვთ, რაც ცუდად აისახება საერთო ვითარებაზე. ასევე, ეს კარგად არ მეთქველებს იმ აღმნიშნებზე, რომლებიც ამბობენ, რომ მსჯელობა არის ცუდი. ჩვენ არავითარ ნებათაღვას არ ვითხოვთ, არავის ლოცვა-კურთხევა არ გვჭირდება იმისთვის, რომ გავიღეთ ან არ გავიღეთ. ჩვენ, როგორც თანასწორ პარტნიორებს, შევთავაზეთ მსჯელობა. მორალის კითხვის, თითის ქნევის გარეშე ყველა კოლეგამ ინებოს და ცივილიზებულ გარემოში მივიდეს სამსჯელოდ“, - განაცხადა „ლელოს“ წევრმა გრიგოლ გეგელიამ.

აღსანიშნავია ისიც, რომ „კოალიცია ცვლილებისთვის“ „ლელოს“ ლიდერებს სასაუბროდ ეპატიუება.

„რადგან დისკუსია გახსნილია, დიდი პატივისცემით და პარტნიორული სულისკვეთებით გთავაზობთ, მამუკა ხაზარაძე, დაგხსდეთ, ვიმსჯელოთ პირდაპირ ეთერში, რომელშიც გინდათ, როცა გინდათ“, - წერს ელენე ხო-



შტარია სოციალურ ქსელში.

ხოშტარიაა შეთავაზება მიიღო „ლელო - ძლიერი საქართველო“ ლიდერმა მამუკა ხაზარაძემ, თუმცა აღნიშნა, რომ საუბარი უნდა შედგეს საქართველოს მეზუთე პრეზიდენტ სალომე ზურაბიშვილის პლატფორმაზე და ოთხივე ბარიერგადალახული კოალიციის მონაწილეობით.

არჩევნებში მონაწილეობა-არმონაწილეობის საკითხზე მსჯელობის ეტაპი გავლილი აქვს პარტიას „გახარია საქართველოსთვის“ და ახლა ნაბიჯ-ნაბიჯ შლის კარტს. გახარია პარტიაში უკვე დაიწყეს საუბარი ადგილობრივი თვითმმართველობის არჩევნებისთვის მერობის კანდიდატის შერჩევაზე და ხაზგასმით ამბობენ, რომ აღნიშნული კანდიდატი აუცილებლად ნეიტრალური უნდა იყოს, ასევე, დანარჩენი ოპოზიციას ამ პროცესში ჩართვას სთავაზობენ.

ჩვენ არჩევნებში მონაწილეობა-არმონაწილეობაზე მსჯელობის ეტაპი უკვე გავლილი გვაქვს. მონაწილეობასთან დაკავშირებით ჩვენი პოზიცია პირველივე დღიდან ცნობილია. თუ პარტიები შეძლებენ შეთანხმებას არჩევნებში მონაწილეობასთან დაკავშირებით, ჩვენ გაგვიხარდება, ეს იქნება სწორი, პასუხისმგებლიანი გადაწყვეტილება. ჩვენ აუცილებლად შევუერთდებით მერობის ნეიტრალური კანდიდატების შესახებ განხილვას. დღეს ჩვენი შემდეგი მიზანი ნეიტრალური კანდიდატების შერჩევაა“, - განაცხადა პარტიის ერთ-ერთმა ლიდერმა ბექა ლილუაშვილმა.

ოქტომბრის არჩევნებისთვის ემზადება პარტია „გირჩი“.

„პარტია, რომელიც, ზოგადად, არჩევნებში არ მონაწილეობს, პოლიტიკურ პარტიად ვერ გამოდგება, თუ, რა თქმა უნდა, რეგულაციას არ ამზადებს. ჩვენ რეგულაციისთვის

არ ვემზადებით და ბუნებრივია, არჩევნებში მონაწილეობას ვგეგმავთ“, - განაცხადა „გირჩის“ ერთ-ერთმა ლიდერმა ალექსანდრე რაქვიაშვილმა.

მმართველი გუნდი წინასწარ დაწერილ სცენარზე საუბრობს და აღნიშნავს, რომ ოპოზიციური პარტიების გადაწყვეტილებები გარედან მიღებული დავალებების შესაბამისი იქნება.

„ამ გადაწყვეტილების საფუძველი არის ერთადერთი რამ, ერთი სიტყვაა პასუხი - დავლება. რასაც დაავლებენ, იმას გააკეთებენ. გარედან ეტყვიან, რომ მიიღეთ მონაწილეობა, მიიღებენ მონაწილეობას, ეტყვიან, რომ არ მიიღონ მონაწილეობა, არ მიიღებენ მონაწილეობას“, - განაცხადა ჟურნალისტებთან საუბარში საპარლამენტო უმრავლესობის ლიდერმა მამუკა მდინარაძემ.

ოპოზიციურ სპექტრში მიმდინარე სიტუაციას აფასებს აჭარის უმაღლესი საბჭოს წევრი „ქართული ოცნებიდან“ ცოტნე ანანიძე.

„იმ მცდელობებმა, ბოიკოტმა, რომელიც არის რეგულაციური სცენარის ნაწილი, რომელიც წარუმატებლად მიმდინარეობს ამ ხნის განმავლობაში, ბუნებრივია, გარკვეული დილემების წინაშე აღმოაჩინა ოპოზიციური სპექტრი. სხვაგვარად თუ შევხედავთ, ეს პროცესი ძალიან კარგია. საქართველოს მოქალაქეებისთვის ეს კიდევ ერთხელ არის დაფიქრების შესაძლებლობა, თუ რა ხდება რეალურად ოპოზიციურ პოლიტიკურ ველზე. ეს ის პროცესია, რისი დამალვაც უკვე შეუძლებელი გახდა. ეს არის რადიკალიზმის პოლიტიკა, რომელიც იმ შედეგებს იძლევა, რაც ახლა ოპოზიციასა“, - აღნიშნა ცოტნე ანანიძემ გადაცემა „თავისუფალ სივრცეში“ სტუმრობისას.

თამაზ ლამაზაძე

პრონია

აჭარის მთავრობის თავმჯდომარე სულხან თამაზაშვილი ყაზახეთის რესპუბლიკის საგანგებო და სრულუფლებიან ელჩ მალიკ მურზალინს შეხვდა. მთავრობის პრესსამსახურის ინფორმაციით, სულხან თამაზაშვილმა ელჩს რეგიონის საინვესტიციო პოტენციალი და ტურისტული გარემო გააცნო. შეხვედრაზე მხარეებმა ორ ქვეყანას შორის ურთიერთობების გაღრმავების პერსპექტივები განიხილეს. მთავრობის თავმჯდომარის განცხადებით, სტრატეგიულ პარტნიორებთან მჭიდრო თანამშრომლობა და ერთობლივი პროექტების განხორციელება მნიშვნელოვანია ჩვენი რეგიონისთვის. აღნიშნა, რომ საქართველოსა და ყაზახეთს შორის თანამშრომლობა დინამიკურად ვითარდება როგორც ცენტრალურ, ისე რეგიონულ დონეზე. ყაზახეთი საქართველოს ერთ-ერთი უმნიშვნელოვანესი საგზაო-ტრანსპორტული პარტნიორია. თანამშრომლობა მოიცავს კულტურულ, საგანმანათლებლო და ტურიზმის მიმართულებებს. შეხვედრას აჭარის ფინანსთა და ეკონომიკის მინისტრი ჯაბა ფუტყარაძე, აჭარის მთავრობის აპარატის ხელმძღვანელი გიორგი ცინცაძე და ბათუმის საზღვაო პორტის გენერალური დირექტორი ულან ტლეუგალი ესწრებოდნენ.

აჭარის ჯანდაცვის სამინისტროს უშვილობის დიაგნოსტიკისა და მკურნალობის პროგრამის ფარგლებში, ნინო გოლიაძეს და ალექსანდრე გიენკოს ვაჟი - ანდრია შეეძინათ. ახალშობილი მინისტრმა ნინო ნიჟარაძემ მოინახულა და წყვილს შვილის დაბადება მიულოცა. „გულმოცავ გიენკოების ოჯახს შვილის შეძენას. მისხარია, რომ ამ პროგრამის ფარგლებში არაერთი წყვილი გავახარეთ. ამ დრო-

ისთვის დაბადებულია 57 ბავშვი, ხოლო 7 წყვილი მოლოდინის რეჟიმშია. ჩვენ მომავალშიც გავაგრძელებთ მხარდაჭერას. პროგრამა 2022 წელს დაიწერა, მისი მიზანია უშვილო ოჯახების რიცხვის შემცირება და დემოგრაფიული მაჩვენებლის გაუმჯობესება“, - აღნიშნა მინისტრმა ნინო ნიჟარაძემ. 2025 წელს პროგრამის „უშვილობის დიაგნოსტიკა და მკურნალობა“ ბიუჯეტი მიიღოს 500 000 ლარს შეადგენს. პროგრამით სარგებლობა შეუძლიათ 300 000-მდე სარეიტინგო ქულის მქონე სოციალურად დაუცველ და შშმ სტატუსის მქონე პირებს, საჭარო და კერძო ზოგადსაგანმანათლებლო სკოლების, ადრეული და სკოლამდელი აღზრდა და განათლების დაწესებულებებში დასაქმებულ პირებს, რომლებიც არანაკლებ 6 თვის განმავლობაში იმყოფებიან კანონიერ ქორწინებაში და რომელთაც შვილის ყოლის მიზნით ესპერანობათ შესაბამისი რეპროდუქციული სამედიცინო დახმარება.

აჭარის მთავრობის თავმჯდომარე სულხან თამაზაშვილი საქართველოს რეგიონული განვითარების მინისტრ კახაბერ გუდუშაძეს შეხვდა. ინფორმაცია აჭარის პრესსამსახური ავრცელებს. მთავრობის თავმჯდომარემ მინისტრს რეგიონში მიმდინარე და დაგეგმილი პროექტები გააცნო. მხარეებმა გამოთქვეს მზადყოფნა, მხარი დაუჭიროთ მუნიციპალიტეტებში კიდევ უფრო მეტი ინფრასტრუქტურული პროექტის განხორციელებას. შეხვედრაზე სულხან თამაზაშვილმა აღნიშნა, რომ აჭარის მთავრობის გრძელვადიანი სტრატეგია, რეგიონის ოთხივე სეზონზე იყოს ტურისტული მიზიდულობისა და ეკონომიკური აქტივობის ცენტრი. მნიშვნელოვანია,

რომ კეთილდღეობა და შესაძლებლობები, რომელიც იქმნება აჭარაში, თანაბრად გადაწოდდეს სხვადასხვა მუნიციპალიტეტის მოსახლეობაზე. შეხვედრას რეგიონული განვითარების მინისტრის მოადგილე ლევან ზაუტაშვილი, აჭარის მუნიციპალიტეტების მერები, საკრებულოს თავმჯდომარეები და მთავრობის წარმომადგენლები ესწრებოდნენ.

აჭარის სოფლის მეურნეობის სამინისტროს ინფორმაციით, რეგიონში სახნავ-სათესი ფართობების უფასოდ დამუშავება წარმატებით ხორციელდება. აჭარის სოფლის მეურნეობის სამინისტროს ასიპი „აგროსერვის ცენტრის“, ქვეპროგრამის „აგრომომსახურების განვითარება რეგიონში“ ფარგლებში, აჭარის ადმინისტრაციულ საზღვრებში მცხოვრები მოსახლეობის საკუთრებაში და სარგებლობაში არსებული სახნავ-სათესი ნაკვეთების უსასყიდლოდ დამუშავება დასაწყისით დასრულდა. „ქობულეთის მუნიციპალიტეტში სასოფლო-სამეურნეო სამუშაოების განხორციელების პროცესს, რომელიც რამდენიმე დღეში დასრულდება, აჭარის სოფლის მეურნეობის მინისტრი ზაზა შავაძე ადგილზე გაეცნო. აჭარის ტერიტორიაზე მცხოვრებ ფერმერებს სახნავ-სათესი ფართობები დაუმუშავდა უფასოდ. დღეის მდგომარეობით, უკვე დამუშავებულია 2250 ჰა მიწის ფართობი, რაც ადგილობრივ ფერმერებს მისცემს შესაძლებლობას, გაზარდონ ერთწლიან კულტურებში რაოდენობრივი და ხარისხობრივი მაჩვენებლები. სავსე სამუშაოებს ასევე ესწრებოდნენ მინისტრის მოადგილეები არჩილ ბერიძე, ნადიმ ვარშანიძე, ქობულეთის მუნიციპალიტეტის მერის მოადგილე მინდია რომანაძე და „აგრო-

სერვისცენტრის“ ხელმძღვანელები.“, - ნათქვამია სამინისტროს მიერ გავრცელებულ ინფორმაციაში.

აჭარის სოფლის მეურნეობის მინისტრი ზაზა შავაძე გარემოს ეროვნული სააგენტოს უფროს ელენე ლუბიანურთან და მინისტრის მოადგილე მირიან ქათამაძესთან ერთად, შავი ზღვის წყლის ხარისხის სინჯის აღების პროცესს დაესწრო. როგორც აჭარის სოფლის მეურნეობის მინისტრმა აღნიშნა, წყლის ხარისხის კვლევები უწყვეტ რეჟიმში ტარდება. ყველა დაინტერესებულ პირს შესაძლებლობა აქვს, ზღვის წყლის ხარისხის შესახებ ინფორმაცია გაეცნოს. გარემოს ეროვნული სააგენტო შავი ზღვის წყლის ხარისხის მონიტორინგს უწყვეტ რეჟიმში ყოველთვიურად, 12 წერტილში ახორციელებს. კვლევებისას ისაზღვრება ჰიდრობიოლოგიური და ქიმიური პარამეტრები, მათ შორის, 13 მძიმე მეტალი, ნავთობის ჯამური ნახშირწყალბადები, 16 პოლიარომატული ნახშირწყალბადისა და სხვა ფიზიკურ-ქიმიური პარამეტრის კონცენტრაცია. ასევე, აჭარის გარემოს დაცვისა და ბუნებრივი რესურსების სამმართველო ზღვის წყლის ხარისხობრივ მაჩვენებლებზე კვლევებს მონიტორინგის პროგრამის ფარგლებში, ყოველ 10 დღეში ერთხელ ახორციელებს სარფი-ჩოლოქის მონაკვეთზე 7 წერტილში (ბათუმის ცენტრალური პლაჟი, აკვამარკის მიმდებარე ტერიტორია, კვარიათი, სარფი, ქობულეთის ცენტრალური პლაჟი, ბობოყვანის მიმდებარე ტერიტორია და მწვანე კონცხი). ჩატარებული ლაბორატორიული კვლევების მიხედვით, ზღვის წყლის ხარისხი მთელი პერიოდის შვიდივე წერტილში დასაშვები ნორმის ფარგლებშია.

„საერთაშორისო სამართლის არსებობა არ არის დამოკიდებული ერთი სახელმწიფოს მოქმედებაზე“

ექსპერტთა თქმით, უმთავრესი განსხვავება დასავლეთსა და რუსეთს შორის ისაა, რომ დასავლეთში დემოკრატიულ სტანდარტებს იცავენ, ხოლო რუსეთში რაც არის, გიც-ით: ერთბაშად ასიმილაცია, ეთნოქსენოფობია, ოკუპაცია, აგრესია, რასაც ოფიციალური მოსკოვი პოსტსაბჭოთა ქვეყნების მიმართ ახორციელებს და უკრაინა ამის თვალსაჩინო მაგალითია. უდავოა, რომ რუსეთ-უკრაინის ომს მნიშვნელოვანი გავლენა ექნება ევრაზიის კონტინენტზე. ამ ომის დასრულების შემდეგ ბევრი რამ გაირკვევა როგორც პოლიტიკური, ისე ეკონომიკური თვალსაზრისით და ამ მიმართებით მსოფლიოს მართლწესრიგის ფორმირების კონტურებიც გამოიკვეთება.



რა იყო რუსეთის მაქსიმუმი და მინიმუმი? რამდენად ეფექტურია დაწესებული სანქციები? როგორ მოქმედებს რუსეთ-უკრაინის ომი ახალ მსოფლიო წესრიგზე? - ამ და სხვა აქტუალურ საკითხებზე გვესაუბრება ბსუ-ის იურიდიულ და სოციალურ მეცნიერებათა ფაკულტეტის დეკანი, საერთაშორისო სამართლის სპეციალისტი **ლევან ჯაფარიძე**.

- აშკარაა, რომ რუსეთი უკრაინისგან კაპიტულაციას ითხოვს, წინააღმდეგ შემთხვევაში, ომის დასრულებას არ აპირებს. ეს რისი მანიშნებელია?

- რა თქმა უნდა, რუსეთს ეს თავიდანვე ჰქონდა განსაზღვრული, მაგრამ უკრაინელთა წინააღმდეგობამ და მსოფლიოს ქვეყნების, განსაკუთრებით - წამყვანი სახელმწიფოების რეაქციამ მას უკან დაახევინა, გადააწყობინა გეგმები, რომლებიც დღეს სხვაგვარად ჩანს. ეს გეგმები ხშირად არა მხოლოდ ტერიტორიული და პოლიტიკური გავლენის მოთხოვნით, არამედ რუსეთის მხრიდან უკრაინის კაპიტულაციის მოთხოვნით. რაც შეეხება პოლიტიკურ მოთხოვნებს: კრემლი ითხოვს ისეთ გარანტიებს, როგორებიცაა საქართველოს, მოლდოვისა და უკრაინის ნატოში არმილება, ნატოს არგავართობა აღმოსავლეთით. ეს არის ძირითადი გახმავებული მიზნები. რუსეთს არ აქვს დაგეგმილი უახლოეს მომავალში შეიარაღებული კონფლიქტის დასრულება. აშკარაა, რომ რაღაცის მოლოდინშია, ისწრაფვის, გადატეხოს უკრაინის წინააღმდეგობა და მოლაპარაკებებისა და მოთხოვნების მხრივ იყოს უპირატეს მდგომარეობაში. რა თქმა უნდა, ყველა შეიარაღებული კონფლიქტის ძირითადი მიზანია მოწინააღმდეგის კაპიტულაცია, მაგრამ, ამ შემთხვევაში, სავსებით რეალურია, რუსეთი დასაჯდეს იმ მოთხოვნების შესრულებას, რაც ზემოთ აღვნიშნე.

- რა არის რუსეთის მაქსიმუმი და მინიმუმი უკრაინასთან მიმართებით?

- ფაქტი ერთია: რუსეთი გამოვიდა იმ პასიური მდგომარეობიდან, რომელშიც იმყოფებოდა 90-იან წლებში, როდესაც ჩართული იყო შიდაპოლიტიკურ და შეიარაღებულ კონფლიქტებში. მან ახლა უკვე მოიცალა საერთაშორისო პოლიტიკისთვის. ბევრი ამბობს, რომ კრემლი ამ ომს აწარმოებს, რათა გადაფაროს შიდაპოლიტიკური და ეკონომიკური პრობლემები. ეს ომი ემსახურება იმას, რომ რუსეთი გახდეს მხარე, რომელიც ყველა მსოფლიო პროცესში იქნება ჩართული და უიმი-სოდ დღის წესრიგში მდგომარეობს არცერთი საკითხი არ გადაწყდეს. როგორც ჩანს, ამ შეიარაღებული კონფლიქტის დაწყების რუსეთმა უკვე მოახერხა (მიუხედავად იმისა, რომ ჩაიდინა საერთაშორისო დანაშაული) ყურადღების მიპყრობა, თავისი ინტერესების წინ წაიწია, რათა მოელოდნენ და დასრულდეს ეს ომი მისი პირობებით. ჩანს, მიზანს (საერთაშორისო მოლაპარაკებებში ჩართვა) მიაღწია, ამიტომ რუსეთის მაქსიმუმი არის პოლიტიკური ამბიციები, ანუ მისი უსაფრთხოების გარანტიები იმ კუთხით, რომ ნატო არ გაფართოვდეს. აუცილებლად უნდა აღვნიშნო, რომ რუსეთი არ არის დაინტერესებული ნატოსა და სხვა ევროპულ ქვეყნებთან დალაგებული ურთიერთობით, მისთვის გამაღებელი შეიარაღება და პერმანენტული დაპაბულება უფრო მისაღებია, უფრო კომფორტულია, ვინაიდან სურს, მუდმივად ჰყავდეს ტონუსში ევროპული ქვეყნები, აშშ, რომ მასთან ყოველწუთიერ, უწყვეტ კონტაქტზე იყვნენ და კომპრომისის გზით იღებდეს, რასაც ითხოვს. ამიტომ მაქსიმუმი არის საბჭოთა კავშირის ფარგლებს და გავლენების აღდგენა. აქვე იმასაც აღვნიშნავ, რომ რუსეთმა ვერ მიაღწია ვერცერთ სტრატეგიულ მიზანს უკრაინაში. რა იყო სტრატეგიული მიზანი? უკრაინის ხელისუფლების ცვლილება, უკრაინის არმიის განადგურება. რუსეთმა უკრაინელი ერის გატეხვა ვერ შეძ

ლო, ასევე, ვერ შეძლო კიევის, ოდესის, ხარკოვის და ზაპოროჟიეს აღება, რაც, როგორც აღვნიშნე, უკრაინელთა თავგანწირვის და დასავლეთის მხარდაჭერის შედეგია.

- რუსეთი დაუნდობელ დარტყმებს აყენებს უკრაინის დასახლებულ პუნქტებს. ამ მხრივ პუტინის მიმართ ჭაგის სასამართლოს ვერდიქტიც გვახსოვს, მაგრამ საერთაშორისო სამართალი არ მოქმედებს. რატომ?

- საქმე ისაა, რომ რუსეთი ჩარჩენილია საბჭოთა აზროვნებაში, საბჭოთა იდეოლოგიაში და ამ მდგომარეობიდან ვერ გამოდის. მისი ბრძოლის სტილი, მეთოდები არის საბჭოთა და არ ითვალისწინებს ცივილიზებულ

|| რუსეთს არ აქვს დაგეგმილი უახლოეს მომავალში შეიარაღებული კონფლიქტის დასრულება. აშკარაა, რომ რაღაცის მოლოდინშია, ისწრაფვის, გადატეხოს უკრაინის წინააღმდეგობა და მოლაპარაკებებისა და მოთხოვნების მხრივ იყოს უპირატეს მდგომარეობაში. რა თქმა უნდა, ყველა შეიარაღებული კონფლიქტის ძირითადი მიზანი მოწინააღმდეგის კაპიტულაციაა, მაგრამ, ამ შემთხვევაში, სავსებით რეალურია, რუსეთი დასაჯდეს იმ მოთხოვნების შესრულებას, რაც ზემოთ აღვნიშნე

ლი მსოფლიოს მიღწევებს, როგორებიცაა ჰუმანიზაცია, შეიარაღებულ კონფლიქტებზე მაქსიმალურად უარის თქმა. რუსეთი განაგრძობს საგარეო პოლიტიკის ხელყოფას, თავისი უსაფრთხოების უზრუნველყოფას შეიარაღებული ძალებით, ის არ ენდობა შეთანხმებებს, მოლაპარაკებებს, ვინაიდან თვითონ არ ცდილობს, დაიცვას საერთაშორისო ხელშეკრულებები, უგულბებლყოფს საერთაშორისო მართლწესრიგს. რუსეთს ჰგონია, რომ ევროპული ქვეყნები, ევროკავშირი, აშშ, ნატო ასევე დააიგნორირებენ საერთაშორისო და მიღწეულ შეთანხმებებს. აი, ეს ფაქტორია, რაც გავლენას ახდენს რუსეთის მოქმედებაზე და იმ მეთოდებზე, რომლებსაც ის იყენებს შეიარაღებული კონფლიქტის დროს, უმტკიცებს მსოფლიოს, რომ ამ თემებისადმი არ აპირბუღო დამოკიდებულება მომავლიდან და ის ნებისმიერი გზით მოახდენს ამას რეაგირებას. ასეც მოქმედებს, არ ერიდება მშვიდობიან მოსახლეობას. მოკლედ, რუსეთის მიზანია, გაუწიოს ანგარიში ყველა მიზანს მოლაპარაკებებში, რაც საერთაშორისო სამართალთან შეუსაბამოა არ არის. რუსი მეცნიერები ცდილობენ, რომ მოთხოვნები მიუ-სადავო საერთაშორისო სამართლებრივ მოთხოვნებს და ყველაფერს წარმოაჩინონ თავდაცვითი მოტივით. არადა, თავდასხმის შემთხვევაში გაეროს წესდება ითვალისწინებს თავდაცვის მიზნით შეიარაღებული ძალების გამოყენებას, მაგრამ საქმე ისაა, რომ რუსეთი ცდილობს, მსოფლიომ არ შეაფასოს მისი მოქმედება.

- გავრცელდა ინფორმაცია, რომ შესაძლოა, რუსეთის მიმართ უმკაცრესი სანქციები დაწესდეს.

- პირველ რიგში, ჩემს უარყოფით დამოკიდებულებას იწვევს ის გარემოება, რომ აშშ ორიენტირებულია თავის ინდივიდუალურ სანქციებზე და ამ გზით ცდილობს, ზეგავლენა მოახდინოს რუსეთის თუ სხვა საერთაშორისო მოთხოვნებზე, რომელთა მიმართაც აქვს ინტერესი. თავდადავით ის არის, რომ უფრო ნაკლებად მიმართავენ საერთაშორისო სანქციებს, რადგან მათში ისეთი მექანიზმია ჩადებული და ისეთი წესებია გათვალისწინებული, რომ შეუძლებელი ხდება ამ სანქციების მიღება და განხორციელება. ეფექტურია და პოპულარული ხდება მექანიზმი, როდესაც თითოეული სახელმწიფო თავად წყვეტს, რა ტიპის სანქციებს მიიღებს და რა კონტროლებს განახორციელებს. ეს გაცილებით მარტივია, ვიდრე საერთაშორისო ორგანიზაციებში კოლეგიალობა, შესაბა-

რად, როგორც აშშ-ის ინდივიდუალური, ასევე ევროკავშირის ზომები ეფექტურია, თუმცა, სამწუხაროდ, არასაკმარისი. მან ვერ გამოიწვია ის ეფექტი, რუსეთი დათანხმებული იქნებოდა შეწყვეტა. რუსეთი გააგრძელებს და გააძლიერებს შეიარაღებულ კონფლიქტს. ცხადია, სანქციების სერია გაგრძელდება და ის უფრო ხისტი გახდება. იგულისხმება ბლოკადა, ემბარგო და სხვა. ამ მხრივ სანქციები, ნაწილობრივ, ამოქმედებულია. ვფიქრობ, აბსოლუტური შეზღუდვების პირობებში, რუსეთი იძულებული გახდება, დაიხიოს უკან და მიუჯდეს მოლაპარაკებების მაგიდას, მაგრამ სხვა საკითხია, აძლევს თუ არა ხელს მსოფლიოს ამგვარი რუსეთის შენარჩუნება, სიტუაციის დაბალეხება და შემდეგ ახალ გამოწვევაზე რეაგირება. რა იქნება მომავალში, არავინ იცის, რუსეთისადმი ნდობა ნულზეა დაყვანილი.

- როგორ მოქმედებს რუსეთ-უკრაინის ომი ახალი მსოფლიო წესრიგის ფორმირებაზე?

- პასუხი ერთმნიშვნელოვნია - პირდაპირ და გადამწყვეტად, იმიტომ, რომ რუსეთის ამგვარმა მოქმედებამ ყველა საერთაშორისო ნორმა შეაჩერა, წაართვა მას სიცოცხლე და ამ პირობებში შეუძლებელი ხდება ახალ მსოფლიო წესრიგზე საუბარი. კონფლიქტი უნდა დასრულდეს, მსოფლიო უნდა გაერთიანდეს, როგორც ეს მოხდა გაეროს შემთხვევაში და ისაუბრონ ან გაეროს გარდაქმნაზე, ან ახალი ორგანიზაციის ფორმირებაზე, ახალი მსოფლიო წესრიგის დაფუძნებაზე.

რომელსაც შემდეგ ყველა დაიცავს, დარღვევის შემთხვევაში კი ძვირად დაუჯდება დამრღვევს. ამგვარად, მსოფლიო წესრიგზე მუშაობა უკვე დაწყებულია, რუსეთ-უკრაინის ომის პირობებში დღითი დღე იმსხვრევა ის კოშკი, რომელიც გაერო ააგო. შესაბამისად, შეიარაღებული კონფლიქტის დასრულების შემდეგ ჩვენ ვიხილება ახალი მსოფლიო წესრიგის შექმნის მექანიზმს.

- თუ რუსეთს შერჩა ოკუპირებული ტერიტორიები, ეს ნიშნავს თუ არა, რომ საერთაშორისო სამართლის ნორმები დიდი ხნის განმავლობაში აღარ იარსებებს?

- ეს არ არის სწორი დამოკიდებულება, რადგან საერთაშორისო სამართალში არსებობს ტერიტორიული მთლიანობის ხელშეუხებლობის პრინციპი, მაგრამ ეს პრინციპი არ გამოირიცხავს საზღვრების ობიექტურ და კანონიერ ცვლილებას, ნებაყოფლობით გადაცემას ან სხვა სახით დაკანონების უფლებას, შესაბამისად, საერთაშორისო სამართლის ნორმების სიცოცხლისუნარიანობაზე ვერაზიარად ვერ იმოქმედებს ის, შერჩება თუ არა რუსეთს ეს ტერიტორიები. სავსებით რეალურია, რომ ისინი შერჩეს, მაგრამ საერთაშორისო ნორმები გააგრძელებს არსებობას. შეიძლება შეიცვალოს წინაარსი, მოხდეს მათი ფორმაცია, კორექცია და ის ახალ რეალობაში იქნება გამოყენებული, მიეცემა ახალი სიცოცხლე. საერთაშორისო სამართლის არსებობა არ არის დამოკიდებული ერთი სახელმწიფოს მოქმედებაზე ან რამდენიმე ქვეყნის მიერ მიღწეულ შედეგზე, საერთაშორისო სამართალი ფართო ცნებაა, განზომილებაში არსებობს და, შესაბამისად, მისი სიცოცხლისუნარიანობა არ არის დამოკიდებული სუბიექტურ მოქმედებებზე. ამის მიუხედავად, დაიდება რუსეთის მოქმედებების შედეგი, საჭიროებს აღიარებას, საერთაშორისო სამართლით სავალდებულოა, ისევე როგორც ჩვენს შემთხვევაში. მაგალითად, დღეს გვაქვს აფხაზეთის და ცხინვალის რეგიონის ფაქტობრივი დამოუკიდებლობა, მაგრამ მათი იურიდიული აღიარება არ არსებობს, შესაბამისად, საერთაშორისო სამართლის ნორმებს აქვს კონკრეტული პასუხი ასეთი ფაქტების და პროცესების მიმართ.

- გხვდავთ, რომ არსებული მსოფლიო წესრიგი მოიშალა. სამომავლოდ რას უნდა გელოდოთ?

- თუკი ვერ მოხერხდა რუსეთის სამხედრო და პოლიტიკური პოტენციალის, ამბიციების შეჩერება, ჩარჩოში მოქცევა, სავარაუდოდ, მივლენ იმ გადაწყვეტილებამდე,

რომ შეიარაღებული კონფლიქტი შეჩერდეს, ცივი ომი შეიძლება განმეორდეს მსოფლიოში და გამაღებელი შეიარაღება დაუბრუნდეს ჩვეულებრივ რიტმს. აუცილებელია ისეთ პირობებზე შეჯერება, რომ არც რუსეთს და არც სხვა სახელმწიფოს არ ჰქონდეს ინტერესი, სამხედრო გზით გადაწყვეტოს საკუთარი პრობლემები. ამასთან დაკავშირებით რაღაც საერთაშორისო შეთანხმება უნდა მიიღოს მსოფლიომ. რისკი არსებობს, თუმცა საიმისო სიბრძნე დაგროვდა მეოცე საუკუნეში, რომ მსგავსი რამ არ განმეორდეს.

- ჩანს, რომ დასავლეთი არც უკრაინის გამარჯვებით და არც რუსეთის რეალური მარცხითაა დაინტერესებული?

- საინტერესო ფაქტორია. ასე მარტივად ეს არ ჩანს, თუმცა დასავლეთი რომ დაინტერესებული იყოს უკრაინის გამარჯვებით, მას აშკარად უფრო მეტი მხარდაჭერა და შეიარაღება ექნებოდა, ვიდრე აქვს. ფაქტია, ევროპა და აშშ ფრთხილობენ და სავსებით გამართლებულია ეს სიფრთხილე, ვინაიდან რუსეთს აქვს უფრო ხისტი მოქმედებების პოტენციალი, რომლის დროსაც მოლაპარაკებებზე საუბარი აბსოლუტურად ზედმეტი იქნება. ამიტომ რბილი ძალით უნდა დაიწყოს რუსეთთან მოლაპარაკებები. სანქციების სერია, რომელიც დაწყებულია, უნდა გაგრძელდეს, რუსეთი უნდა დავიდეს ეკონომიკურად და სამხედრო პოტენციალით იმ კონდიციაში, რომ მის ინტერესებში შეიძლოს მოლაპარაკება და ნეიტრალური შეთანხმების მიღწევა. ამიტომ გამართლებულია რუსეთის

ნეო-ნეოლიბერალური დამარცხების სტრატეგია, მაგრამ, ამავდროულად, არ დამარცხდეს უკრაინა, ანუ რუსეთმა არ იგრძნოს მარცხის შიში იმდენად, რომ უკიდურეს ზომებს მიმართოს და თავი დაიცვას ბირთვული იარაღით. ის ნეო-ნეოლიბერალური დამარცხების იარაღი, რომ ამ ომს აზრი არ აქვს, რომ უკრაინის ვერ დაამარცხებს, რომ აშშ და ევროკავშირი არ შეეფუება რუსეთის ამ მოქმედებებს და იმ შედეგს, რომლის შენარჩუნებას რუსეთი ომის დასრულების შემდეგ შეეცდება. ამგვარად, ნეოლიბერალური დამარცხების რუსეთი იქამდე, რომ დაღოს ისეთი ხელშეკრულება, რომლის დაცვაც შემდეგ მის ინტერესებში იქნება.

- დაბოლოს დასავლეთმა რა უნდა გააკეთოს, რომ რუსეთმა მიზნის ვერ მიაღწიოს უკრაინასა და სამხრეთ კავკასიაში?

- ზოგადად, დასავლეთი და აშშ ყოველთვის იყვნენ თანმიმდევრულები და გააზრებულად მოქმედებდნენ რუსეთის წინააღმდეგ. საბჭოთა კავშირის დაშლაც ამაზე მიუთითებს. ისინი პირდაპირ, შეიარაღებული კონფლიქტით კი არ დაუპირისპირდნენ საბჭოთა კავშირს, არამედ სხვადასხვა წერტილში უქმნიდნენ მას ეკონომიკურ პრობლემებს და მიზანსაც მიაღწიეს. დღესაც, როგორც ჩანს, იგივე სტრატეგია გრძელდება - რუსეთს სამხედრო და ეკონომიკური პოტენციალი აცლიან, რაც, მათი გადასახედიდან, გამართლებულია, ამიტომაც არ მთავრდება ეს ომი ასე უცებ. რესურსები დასავლეთს აქვს, მაგრამ ჭერჯერობით, როგორც იკვეთება, მას არ აქვს ციცილობის შეწყვეტის სურვილი, თუმცა ეტაპობრივად ის მიაღწევს იმას, რომ რუსეთს აღარ ექნება ძალა, რესურსი და, თავისთავად, აზრი არ ექნება ომის გაგრძელებას, ეკონომიკის კოლაფსი გამოიწვევს რუსეთის დაშლას, ხელისუფლების ვერტიკალის ჩამოშლას, დაიწყება ქაოსი, შეიძლება სამოქალაქო დაპირისპირებაც ვიხილოთ, რაც რუსეთმა ერთხელ გაიარა, თუმცა დღევანდელი კრემლი ამას ყურადღებას არ აქცევს. ყველაზრად, ცდილობს, დაარწმუნოს მსოფლიო, რომ აქვს რესურსი და საწადელს მიაღწევს. აქედან გამომდინარე, ითხოვს მის მიერ დასავლეთისთვის წაყენებული პირობების მიღებას. მოკლედ, რაც უფრო სიღრმისეულად გაითავისებს დასავლეთი რუსეთის ვერაგობას, მით მალე დასრულდება აღნიშნული კონფლიქტი, თუმცა, როგორც ჩანს, არც დასავლეთი დაინტერესებული მისი დაუფრთხილები შეწყვეტით.

„მარადიული გოგოს“ სიყვარულით დანერგილი სხოვრება...

„ყველას თავისი წილი ცისანა ჰყავს, ბედნიერებაა, რომ ასეთი ქალბატონი დააბიჯებს ჩვენ გვერდით“, „ცისანა ჰეშმარიტი პოეტი, პოეტი, რომელიც სახეებით აზროვნებს და ქმნის ჰეშმარიტ ლიტერატურას“, „ცისანას ყველა უყვარს და ცისანა ყველას უყვარს, ის სიყვარულისთვის მოვლენილი ადამიანია ამ ცისქვეშეთში“, „ცისანა უხდება ბათუმს, ცისანა ამ ქალაქის ძვირფასი სამკაულია, რომელიც არასდროს გაფერმკრთალებულა, გაუზრალდებულა, რომელიც სულ ანათებს და სხვებსაც უნათებს გზას“ - ასეთი და კიდევ უამრავი თბილი სიტყვა გაუღერდა აჭარის მწერალთა სახლში გამართულ საღამოზე, სადაც პოეტისა და საზოგადო მოღვაწის, ათეულობით წიგნისა და პუბლიკაციის ავტორის, მრავალი ლიტერატურული პრემიის ლაურეატისა და, უზრალოდ, ყველასათვის ძალიან საყვარელი ადამიანის - ცისანა ანთაქის საიუბილეო საღამო გაიმართა. „მარადიული გოგო“, როგორც მას პოეტმა ვახტანგ ღლონტმა უწოდა, 85 წლის გახდა და, როგორც თავად აღნიშნა, სწორედ ამდენივე წელია, ეფერება სამყაროში ჩატეულ ყველა ემოციას, გრძნობას, რომელიც, ცხოვრების არაერთი გამოწვევის მიუხედავად, ადამიანს ადამიანად ტოვებს

გურიამი დაიბადა. ბავშვობას დიდი სიყვარულითა და აღტაცებით იხსენებს. ამბობს, რომ წლები, როცა პეპლებს დასდევდა, ყვავილებს კრფდა, წლები რომლებიც სავესე იყო ძვირფასი ადამიანებით, დღემდე ათბობს და ენატრება, მაგრამ ვერ გაუგია, როგორ სწრაფად გაიბრინა და დარჩა ბებიის სკივრში შენახული ნივთებივით, რომელთა დათვალიერებისას თვალბეზრად აკიაფებული გულწრფელი ცრემლები არ ანებებს თავს. შემდეგ იყო ბათუმი, ქალაქი, რომელმაც შეიძლია მიიღო, გულში ჩაიხუტა და მას შემდეგ ხელი აღარ გაუშვია. იყვნენ პიროვნებები, რომლებმაც პატარა გოგოში დიდი ადამიანი დაინახეს და დაიმეგობრეს, ფართოდ გაუხსნეს მწერლობის კარი, მისცეს სივრცე, რომ ჩვეული გულწრფელობით გაეშალა ფრთები, სამყაროს სილამაზე და ადამიანური განცდები პოეზიად გარდაექმნა. დიდი სიყვარულით იხსენებს ზურაბ გორგილაძეს, ფრიდონ ხალვაშს, ჭემალ ჭაყელს, ნანა გვარამიშვილს და კიდევ არაერთ პოეტს, მწერალს, ვინც მისცა სტიმული, ეწერა იმაზე, რასაც გრძნობდა, რაც სტიკოდა თუ ახარებდა. ცისანა ანთაქი ეკუთვნის იმ პოეტთა რიცხვს, ვისი პოეზიაც არ ყვირის, არ მოითხოვს ყურადღებას, მაგრამ ვისი სიტყვაც ზუსტად თავისი სიჩუმით დიდხანს რჩება მკითხველში. იგი ქართულ პოეზიაში წარმოადგენს იმ ნახ, ინტიმურ და გულწრფელ ხაზს, რომელიც მუდმივად საჭიროა სულიერი წონასწორობისთვის. ამბობს, რომ მისი შემოქმედების მთავარი ძარღვი სამ-



შენელოვანი ფიგურაა ჩვენი ქალაქის ისტორიაში და ეს უკვე ათწლეულებია, ასეა. მისი პოეზია არის საოცრად თბილი, საოცრად ქალური, საოცრად მიზანმიმართული. შეიძლება ითქვას, წარმოუდგენელია მისი ლექსები ერთხელ მაინც წაიკითხოს მკითხველმა და არ დაამახსოვრდეს. ცისანა ანთაქი, უდავოდ, გამოჩენილი ხმაა ლიტერატურაში. მისი პოეზია ყოველთვის ემსახურებოდა სამშობლოს სიყვარულს, ხალხის სიყვარულს და ისევ და ისევ - ლექსის სიყვარულს. გამოჩენილი ავტორია იმ კუთხითაც, რომ განსაკუთრებით იცის თავისი კოლეგების დაფასება, გვერდით დგომა. ყველას შემოქმედებას პატივს სცემს, სტიმულს აძლევს. ვუსურვებ ძალიან დიდხანს სიცოცხლეს, ჩვენ გვერდით დიდხანს ყოფნას. თავისი ლამაზი და ლაღი ლექსებით კიდევ მრავალჯერ გაგვახაროს.

დავით თიმოქიძე, აჭარის მწერალთა კავშირის თავმჯდომარე:

- ცისანას ვულოცავ საიუბილეო თარიღს - 85-ს, არადა, ენერგიით, გარეგნობით უფრო ახალგაზრდაა და თანაც მკვირცხლი. ძალიან, ძალიან მიყვარს. საუკეთესო სურვილებით ყოველთვის მის გვერდით ვიყავი, როგორც ცოტათი უმცროსი ძმა და მეგობარი. ვამაყობდი მასთან ურთიერთობით. ის არის სიტყვის ერთგული, საქმის ერთგული, სამშობლოს დიდებისთვის გაჩენილი ქალბატონი. მასთან ერთად ბევრ ქვეყანაში ვარ ნამყოფი, განსაკუთრებით მახსენდება თურქეთის რესპუბლიკის ქართული სოფლები. ის, როგორც მამაკაცი, ისე გავიწევეს პარტნიორობას

სანას შემოქმედება ყოველთვის ახალგაზრდა და უბერებელია. სიტყვები, რომლებითაც ის ეფერება ქართულ პოეზიას, არის ყოველთვის დასამახსოვრებელი, განსხვავებული



ლირიკით გამოჩენილი. ასევე, გამოჩენილია ძალიან ღრმა, ფილოსოფიური მიგნებებით და ეს ისეთ სინთეზშია ლირიკულ სიტყვებთან, რომ ახლოს მიდის თითოეულ მკითხველთან. ის თანაბრად ეფერება როგორც ბუნებას, ასევე სამშობლოს, ჩვენს კულტურას და, რაც მთავარია, ყოველთვის პასუხობს საზოგადოების წინაშე არსებულ გამოწვევებს. ის არის დიდი საზოგადო მოღვაწე, ქალბატონი, რომელსაც შეუძლია თამამად თქვას, რომ წარმოადგენს ჩვენი ქალაქის, ჩვენი რეგიონისა და მთლიანად ქართული მწერლობის სახეს.

მანხანა ღლონტი, პოეტი:

- ისეთი, როგორიც ცისანა, ალბათ ორი ან სამი ადამიანი თუ არსებობს, ის მარადიული გოგოა. ყველას თავისი ამბიციები აქვს, ხან არასწორი, ხან იქნებ სწორიც და ვამბობ, რომ ჩვენ უპირველესად, ადამიანობა მოგვეთხოვება. შეიძლება სადღაც გვრძნობთ, რომ ფრთები გვაქვს, მაგრამ, პირველ რიგში, მიწაზე მოსიარულე ხალხი ვართ. ცისანა ის ადამიანია, არასოდეს რომ არ შემცდარა მიწაზე და ვინც მიწაზე არ შემცდარა, ჩათვალეთ, ის ცაშიც არასოდეს შეცდება, იმიტომ, რომ დაცემის საშუალება აქ მეტია, ვიდრე ცაში. მე იმას ვნანობ, რომ დღეს აქ ვერ ილაპარაკებენ ზურაბ გორგილაძე, ფრიდონ ხალვაში და სხვები იმ თაობიდან.. ცისანა უყვარდა ყველას, ყოველთვის მეგობარს ხედავდნენ ცისანაში. ლამაზად დაგვიბერდა ცისო, მთელ დარბაზს თვალები უდიდოდა მისი ცქერისას, ეს იშვიათია და ეს ცისანას პიროვნებამ შექმნა. ვისთანაც იყო, მართალი იყო თუ არ იყო, იყო უსაშველოდ ერთგული და ერთგულეზაზე სწორი, ვფიქრობ, არაფერია. ვულოცავ მას 85 წელს. მინდა დიდხანს ჰყავდეს მის ოჯახს და, რა თქმა უნდა, მის ქვეყანას.

მარიანა მირიანაშვილი, გაზეთ „აჭარის“ მთავარი რედაქტორი:

- სახელიც რა კარგად შეუტრეფიათ მის მშობლებს - ცისანა ანუ ცისა, მართლაც, ცისა პოეზიითაც და ადამიანობითაც. მისი ლექსები ისეთივე ნამდვილია, როგორც თავადაა - უშუალოდ, ლაღად, მართალიც, უშიშარიც, თავისუფალიც და, რაც მთავარია, სიყვარულით სავსე. ნიჭი, სიყვარული და ერთგულება ცისანა ანთაქის მთავარი ღირსებებია. მისი უღალატობა საარაკოა, გვერდით დგომის უნარი - სასწაული. საკუთარ თავზე გამოიმცდია, როგორ ბოლომდე იცის მხარში ამოდგომა... საოცარი თბრობა შეუძლია პროზითაც და პოეზიითაც, ბოლომდე შეგიყვანს თავის სამყაროში და მასთან ერთად გაწებებებს იმ სილამაზით, რაც სულში აქვს... და მაინც, მისი სულიერი სილამაზის ყველაზე დიდი გამოხატულება სხვისი ნიჭის არა მარტო დანახვის, არამედ მისით აღფრთოვანების უნარია, რაც ხელოვანისთვის საკმაოდ იშვიათი თვისებაა. არაერთხელ მომისმენია მისგან ჩემთვის მანამდე უცნობი ბათუმელი ავტორების სტრიქონები, რომლებსაც რედაქტირების დროს მიკითხავდა ხოლმე და აღტაცებული მეუბნებოდა, ნახე, რა კარგიაო. ვფიქრობ, 85 წლის დამრგვალების მიუხედავად, მისი ახალგაზრდული გარეგნობის და შემართების მიზეზიც სწორედ ესაა - სხვისი ნიჭით, სიხარულით გახარების უნარი, სწორედ ამიტომ ინარჩუნებს ხალისს, სიცოცხლის სიყვარულს და ახალგაზრდობას. განმრთელობას და მისი სალოცავის - სამშობ-



ლოს აყვავებას ვუსურვებ ჩემს ცისოს, დიდ პოეტს და ჩემს უახლოეს ადამიანს, რომელმაც გურიის პატარა სოფლიდან ჩამოტანილი დიდი ნიჭითა და სავსე გულით გაამდიდრა ჩვენი ქალაქი.

საღამოს დასასრულ პოეტმა მადლობა გადაუხადა ბათუმს, ბათუმელებს, მისი შემოქმედების გულშემატკივრებს და აღნიშნა, ავტობიოგრაფიულ წიგნს რომ წერდეს, აუცილებლად დაარქმევდა სიყვარულს, გრძნობას, რომლითაც 85 წელი იცოცხლა და რომელიც ერთი წუთითაც არ განელებულა მასში.

- უხერხულად ვარ, მრცხენია, რომ ამ ასაკში იუბილეებს ვიხდი. რა თქმა უნდა, სასიამოვნოა, როცა ამდენ ადამიანს უყვარხარ. ალბათ, ჩემმა სიყვარულმა, ერთგულებამ მოიყვანა ისინი დღეს აქ. მადლობა თითოეულ ადამიანს თავისი ძვირფასი დროის დათმობისთვის, ამხელა სიყვარულისა და სიბოძის ჩუქებისთვის. სიტყვები არ მყოფნის აღტაცებისა და მადლიერების გამოსახატავად. მადლობა ღმერთს პოეზიისთვის, რომელსაც დაუღალავად ვემსახურები. ყოველთვის, ზეცა მკარნახობს, რაც უნდა დავწერო, იცის მაღალმა ღმერთმა. ჩემი მთავარი სათქმელი ბათუმისა და ადამიანების სიყვარულია. ამ ქალაქის ყველა უბანი, ყველა ქუჩა მიყვარს და ვეფერები. ამიტომაცაა, რომ ჩემი ყველა წიგნი ბათუმზე მიძღვნილი ლექსით იწყება. ბათუმია ჩემი გრძნობების, პოეზიის თავშესაფარი. მიყვარხართ ყველა, მადლობა ყველას, - თქვა ცისანა ანთაქი.

პოეტს, მრავალწლიანი შემოქმედებითი საქმიანობისა და ქართული მწერლობის განვითარებაში შეტანილი წვლილისთვის, აჭარის კულტურის სამინისტროსგან ფულადი ჯილდო გადაეცა.



შობლოა, რომლის პულისაციას სულ გრძნობს, რომ სამშობლოა მისი დედაც, მამაც, შვილიც, მეუღე, მთავრეც და საერთოდ, ყველაფერი, რისთვისაც ღირს დაბადებაც და სიკვდილიც. ბედნიერია, რომ უყვარს და უყვარს. თავად სიყვარულზე შეყვარებული პოეტი ცისანა ანთაქი, რომელზეც შეგვიძლია დაუსრულებლად ვისაუბროთ, მაგრამ დროა იმ ადამიანებს დავუთმოთ ასპარეზი, რომლებსაც სურთ, თავისი წილი სიყვარულით მოეფერონ პოეტს.

ორი აბუსეშიძე, პოეტი:

- ქალბატონი ცისანა ანთაქი ძალიან მნი-

დალევაშიც, სიტყვაშიც, მართლაც უნაკლო ქალბატონია, რომელსაც არასოდეს არაფერი შეშლია. აღსანიშნავია ცისანას ურყევი ერთგულება. ამის მაგალითია ის, რომ როცა ყველამ დაიჭრა ზვიად გამსახურდიას სიკვდილი, მას დიდხანს ისევ ცოცხალი ეგონა. ამით იმის თქმა მინდა, რომ ცისანა „არ ირჩევა ვითარება ლერწამი ქართვან ძლიერთა“. ჯანმრთელობას ვუსურვებ. საუკეთესო სურვილებით ყოველთვის მის გვერდით ვიქნები.

მარიანა მირიანაშვილი, აჭარის განათლებისა და სპორტის მინისტრი:

- შეიძლება ითქვას, რომ ქალბატონი ცი-



„შეცდომას ვაკატია ადამიანს, ღალატს – ვერა, პირველ რიგში, ქვეყნის ღალატს“

10 ივნისს დაბადებიდან 80 წელი შეუსრულდა ბსუ-ის ემერიტუს პროფესორ რაშდ-მან შუშტარაძეს. ცხოვრების, შრომითი საქმიანობის საინტერესო გზა განვლო. „საპატიო შუახეგელი“, „საპატიო მარეთელის“ წოდებები იმაზე მიანიშნებს, რომ იგი მშობლიურ კუთხესთან კავშირს ერთი დღითაც არ წვევს. 17 წლისა ჩაერთო და დღესაც ლექციების კურსს კითხულობს უნივერსიტეტში

- ჩემს ცხოვრებაში ტკივილი ყოველთვის იცვლებოდა ბედნიერებით, სისუსტე - სიძლიერით, სიძულვილი - სიყვარულით, ეჭვები კი თავდაჯერებულობად იქცეოდა. ეს ყველაფერი, უპირველესად, იმ ადამიანების დამსახურებაა, ვისთანაც მიწვევდა ურთიერთობა, მუშაობა. დღეს უკვე თამამად შემიძლია განვაცხადო, რომ უკან მოხედვის ნამდვილად არ მეშინია. ცხოვრება ფუჭად არ გამივლია. ჩემი ფილოსოფია ასეთია: რას ამბობენ ჩემზე, ჩემი საქმე არ არის. მე ვარ ის, ვინც ვარ და ვაკეთებ იმას, რასაც ვაკეთებ... და ეს ადვილეს ცხოვრებას. როგორ ვიცხოვრებ? ამაზე პასუხი საზოგადოებამ უნდა გასცეს, თუმცა ჩემზე კარგად ვინ იცის ეს? დავიბადე და აღვიზარე გლეხის ოჯახში. მშობლები პატარაობიდანვე მარცხვლავად შრომას, დამოუკიდებელი ცხოვრების უნარ-ჩვევებს. მატერიალურად გვიჭირდა-მეთქი, ნამდვილად ვერ ვიტყვი, მაგრამ მეც და ჩემს და-ძმებს, ისე აღვიზარდეთ, რომ ზედმეტი არასოდეს არაფერი გვქონია. სწორი აღზრდით მივეჩვიეთ წესრიგსა და დისციპლინას, ვისწავლეთ ზრდილობა, უფროსების დაფასება და, რაც მთავარია,



ივერსიტეტსა და საქართველოს საპატრიარქოს ხიჯაურის წმინდა ტბელ აბუსერისძის სახელობის სასწავლო უნივერსიტეტში. უაღვილო არ იქნება თუ ვიტყვი, რასაც მივაღწიე, პირველ რიგში, მივაღწიე საკუთარი შრომითა და გარჯით, უძილო ღამეებით. დღემდე არ ვინდობ თავს და მუხლჩაუხრელად ვშრომობ, შეგნებული მაქვს ის, რომ ტიტანური შრომისა და გარჯის გარეშე წარმატებას ვერ მიაღწევ... მეამაყება, რომ ძალიან ბევრ ადამიანს ვაჩუქე თავისუფლება, აღვუდგინე დარღვეული უფლებები, დაევბრუნე ზვალინდელი

|| დღემდე არ ვინდობ თავს და მუხლჩაუხრელად ვშრომობ, შეგნებული მაქვს ის, რომ ტიტანური შრომისა და გარჯის გარეშე წარმატებას ვერ მიაღწევ... მეამაყება, რომ ძალიან ბევრ ადამიანს ვაჩუქე თავისუფლება, აღვუდგინე დარღვეული უფლებები, დაევბრუნე ზვალინდელი დღის იმედი და, რაც მთავარია, რწმენა. ყოველთვის ვცდილობ, ჩემი განვლილი რთული ცხოვრების მიუხედავად, სასოწარკვეთილებას არ მივეცე

წესიერი ადამიანური ცხოვრება.

- საუბრის დასაწყისში აღნიშნეთ, რომ ტკივილიც იყო...

- ჩემზე უმცროსი ძმები ამირანი და ბიჭიკო ნაადრევად გამოგვეცალნენ ხელიდან, ამირანი 42 წლის ასაკში ტრაგიკულად დაიღუპა ავტოავარიის შედეგად, ხოლო ბიჭიკო 65 წლის ასაკში მოულოდნელად გარდაიცვალა. ორივე ძმა საოცრად დიდბუნებოვანი და ალბ-მართალი პიროვნება იყო, მათზე განაწევენებულ ერთ ადამიანსაც ვერ ნახავთ. უფრო მტკივნეული იყო შვილის - ელგუჯას გარდაცვალება...

- სოფლის სკოლის მასწავლებელმა რით მიიტყვიეთ საზოგადოების ყურადღება?

- სკოლის დამთავრებისთანავე, სტუდენტობასთან ერთად, მუშაობა დავიწყე ბათუმის №5 ტრესტში, მუშად. მეორე კურსის დასრულების შემდეგ, როგორც ფრიადოსანს, რეკომენდაცია მომცეს, გადავსულიყავი დაუსწრებელი სწავლების განყოფილებაზე და მასწავლებლად მემუშავა. მშობლიური ლომანაურის 8-წლიან სკოლაში დავიწყე მუშაობა. ორი თვის შემდეგ განცხადება შევიტანე სამხედრო კომისარიატში და მოვითხოვე ჩარევა გავეცე. არ ვნანობ, რომ ხუთი წელი დავუთმე სამხედრო და 27 წელი მილიციაში (პოლიციაში) სამსახურს. მიმაჩნია, რომ სამხედრო სამსახურში გატარებული წლების განმავლობაში არანაკლები ცოდნა, გამოცდილება და უნარები დავაგროვე, ვიდრე ორი უმაღლესი და აკადემიური განათლების მიღებისას. ასევე, დარწმუნებული ვარ, რომ სამხედრო სამსახური რომ არ გამეგლო, კარიერულ საფეხურზე ამის ნახევარი მიღწევაც არ მექნებოდა. ვფიქრობ, ალაღად ვიცხოვრე, უშეცდომო არავინაა. რა თქმა უნდა, შეცდომა ბევრი მაქვს ცხოვრებაში დაშვებული, თუმცა საბედისწერო შეცდომის დაშვების უფლება არ უნდა მისცე კაცმა საკუთარ თავს... უნაკლოც არავინაა, ნაკლიც მაქვს, მაგრამ ეს როგორ იცი, უკვე მის აღმოფხვრაშიც დაგეხმარება. გარკვეულ მიღწევად ვთვლი იმასაც, რომ მივიღე პოლოცნიკის წოდება, სამართლის დოქტორის სამეცნიერო ხარისხი, ვიყავი უმაღლესი სასწავლებლის მოწვეული მასწავლებელი, დოცენტი, ასოცირებული პროფესორი, სრული პროფესორი, 2010 წლიდან კი ვარ ბათუმის შოთა რუსთაველის სახელმწიფო უნივერსიტეტის ემერიტუსი (საპატიო დოქტორი). დღემდე ვკითხულობ ლექციებს ბათუმის შოთა რუსთაველის სახელმწიფო უნი-

ვერს, მოზომილი უნდა იყოს მოსახლეობასთან ურთიერთობა, მით უმეტეს ახლა, როცა ეკონომიკურად და სულიერად ბევრს უჭირს. ჩვენთან მუშაობას რომ იწყებდა ახალგაზრდა, ყოველთვის ვეუბნებოდი: შენ კაცი იყავი და პროფესიონალს მე გაგხდი-მეთქი. თუ ჩემს თანამშრომელთაგან ვინმე პროფესიონალად ვერ ჩამოყალიბდა, ალბათ, საკუთარ თავს უნდა დააბრალოს. სამწუხაროდ, დღეს პრესტიჟული სამსახური, კარგი მანქანა ფასობს და არა საქმის ცოდნა და მორალური სიწმინდე, არადა, წარმატების საწინდარი ეს ორი ფაქტორია, რომელსაც შრომისმოყვარეობა უნდა დაეუმატოთ. ყოველთვის ვცდილობდი, მქონოდა საკუთარი სივრცე ჩემი ნიჭის განვითარებისთვის. ზომიერად ვარჩევ ცხოვრების მუქ და ნათელ ფერებს. ვარ ზომიერი კეთილი და მტრძნობიერი, რაც მეხმარება ადამიანებთან ურთიერთობაში.

- მეგობრებსა და მეგობრობაზე რა შეხედულების ხარ?

- მყავს იმდენი მეგობარი, რამდენთანაც შეგძლებ მეგობრული მისიის შესრულებას. მიყვარს მათი ცხოვრების გალამაზება. ვფიქრობ, რომ ადამიანები ჩემ გვერდით თავს მშვიდად და დაცულად გრძნობენ. ყოველ ადამიანს აქვს თავისი ცხოვრება და შენ არ უნდა გახდე დაბრკოლება მის ცხოვრებაში. კაცმა ისე უნდა იცხოვროს, დარწმუნებული იყოს, რომ მისი შთამომავლობა ღირსეულად და სამართლიანად ივლის მის ნაკვალევზე.

- კიდევ რა შეგიძლიათ თქვათ საკუთარი თავის შესახებ?

- ამბობენ, ცხოვრება წამიო, მაგრამ 80 წელიწადი, ჩემი გაგებით, ძალიან დიდი დროა. დავიბადე 1945 წლის 10 ივნისს, ხელ-



ოს რაიონის სოფელ ლომანაურში. ვარ აჭარის მამულიშვილთა საგვარეულო კავშირის გამგეობის წევრი და შუახევის ორგანიზაციის ხელმძღვანელი, ფაზისის მეცნიერებათა აკადემიის საპატიო წევრი, საქართველოს სამოქალაქო საზოგადოება „სამშობლოს“ ერთ-ერთი დამფუძნებელი და გამგეობის წევრი, „საპატიო შუახეველის“ და „საპატიო მარეთელის“ წოდებების მფლობელი. 1984 წელს, საქართველოს შინაგან საქმეთა სამინისტროს რეკომენდაციით, მიმავლინეს საბჭოთა კავშირის შინაგან საქმეთა სამინისტროს აკადემიის პირველ ფაკულტეტზე ქალაქ მოსკოვში, სადაც მისაღები გამოცდების წარმატებით ჩაბარების შემდეგ გავაგრძელე სწავლა და წარმატებით დავასრულე 1986 წელს. იმავე წელს, საქართველოს შინაგან საქმეთა სამინისტროს რეკომენდაციით, საქმიანობა გავაგრძელე შუახევის რაიონული განყოფილების უფროსად. 1994-1998 წლებში პარალელურად ვსწავლობდი და წარმატებით დავამთავრე ბათუმის საპროტოლისა და ეკონომიკის ინსტიტუტის სამართალმცოდნეობის ფაკულტე-

ტი. 2004 წლის იანვრიდან, შინაგან საქმეთა სამინისტროს რეკომენდაციით, გადამიყვანეს საქართველოს შინაგან საქმეთა სამინისტროს აკადემიის ბათუმის ფილიალში ზოგად იურიდიული დისციპლინების ციკლის უფროსად. 2005-2006 წლებში პარალელურად ვმუშაობდი შპს „აკადემიკოს ივანე ჯავახიშვილის სახელობის იურიდიული აკადემიის“ იურიდიული მომსახურების ცენტრის „იურვერსის“ დირექტორად, ამასთანავე, ვკითხულობდი ლექციებს სისხლის სამართალსა და ადმინისტრაციულ სამართალში. 2006 წლის სექტემბერში ამირჩიეს ბათუმის შოთა რუსთაველის სახელმწიფო უნივერსიტეტის ასოცირებულ პროფესორად. 2009 წლის სექტემბერში - ამავე უნივერსიტეტის სრულ პროფესორად. 2010 წლის ოქტომბერში მომენიჭა ბსუ-ის ემერიტუსის საპატიო წოდება. 2007-2011 წლებში პარალელურად ვმუშაობდი ბათუმის დამოუკიდებელი უნივერსიტეტის იურიდიულ მეცნიერებათა დეპარტამენტის ხელმძღვანელად, 2011 წლიდან კი ვარ საქართველოს საპატრიარქოს წმინდა ტბელ აბუსერისძის სახელობის სასწავლო უნივერსიტეტის პროფესორი.

- თქვენი ავტორობით გამოცემული წიგნები...

- „ტესტები სახელმწიფოსა და სამართლის საფუძვლებში“; „საქართველოს სახელმწიფოსა და სამართლის საფუძვლები“ (დამხმარე სახელმძღვანელო); „ადგილობრივი თვითმმართველობა, მისი ინსტიტუციონალური განვითარების თავისებურებები და პერსპექტივები საქართველოში“; „ადმინისტრაციული საპროცესო სამართალი, მოკლე კურსი“ (სასწრაფო დახმარება სტუდენტს); „ადგილობრივი თვითმმართველობის ორგანიზაცია და ადგილობრივი ადმინისტრაციული წარმოება“, მომზადებული მაქვს გამოსაქვეყნებლად შემდეგი სალექციო კურსები: „შესავალი სამართალმცოდნეობაში“; „ზოგადი ადმინისტრაციული სამართალი“; „ადმინისტრაციული საპროცესო სამართალი“; „მუნიციპალური სამართალი“; „ადმინისტრაციული პასუხისმგებლობა“.

- და ამ ყველაფერს ოჯახიც ემატება...
- მართლმადიდებლური ოჯახი გვაქვს. მეუღლე მარიამ წულუკიძე სპეციალობით მათემატიკოსია. სხვადასხვა დროს მუშაობდა ლომანაურის 8-წლიანი სკოლის მათემატიკის მასწავლებლად, შუახევის რაიონის განათლების განყოფილების ფილმოთეკის გამგედ, დაბა შუახევის ბაგა-ბაღის აღმზრდელად. ამაჟამად დამსახურებულ პენსიაზეა. გაისად მასაც დაბადებიდან 80 წელი უსრულდება. თქვენი გაზეთის ფურცლებიდან წინასწარ მიველოცავ იუბილეს. გავზარდეთ ორი ვაჟი და ერთი ქალიშვილი. ელგუჯას ტრაგიკულ სიკვდილზე უკვე გითხარით. ბადრი და ქეთინო დაოჯახებულები არიან. შვილიშვილებსაც მოვესწარი... შვილის დაღუპვის ტრაგედია გვარგუნა ბედმა... თუმცა, მეუღლესთან ერთად, ვცდილობ ჩვენი განვლილი რთული ცხოვრების მიუხედავად, სასოწარკვეთილებას არ მივეცე, მხნედ და შემართებით ვცოთ, არავის ვაგრძნობინოთ ჩვენი დარდი და ტკივილი.

თვითნასწავლი შეფუჯარეულის გზა - წარმატებამდე

- როგორ შეიცვალა თქვენი დამოკიდე-



- ჯერ ბოლონეთში, შემდეგ კი გერმანიაში ვიზუშავე გარკვეული პერიოდი და მინდა გითხრათ, რომ რადიკალურად შეიცვალა ჩემი დამოკიდებულება კერძებისადმი. უცხოეთში გვქონდა შესაძლებლობა, რომ ეგზოტი-

„სხვადასხვა ქვეყნის კულინარიას ვიცნობ. შეფშარეულად ევროპულ, ქართულ, ფრანგულ და იტალიურ სამზარეულოებში ვმუშაობდი, თუმცა კიდევ უფრო მეტი ქვეყნის სამზარეულოს შესწავლა მინდა და მათი სარესტორნო სფეროში გამოყენება. ახლა მიზნად მაქვს ინდური სამზარეულოს შესწავლა, რადგან ძალიან ბევრი სანელებელი აქვთ და მათი გამოყენება საავტორო კერძებშიც შეიძლება, ჩემეული ვერსიით

- გაგვიკვირდებათ და, მე არ გადამიწყვეტია, ხალხმა გადაწყვიტა (იცინის). ბათუმში სამუშაოდ რომ ჩამოვედი, მაშინ სუში და ზოგადად, აზიური სამზარეულო არ იყო ისეთი მოპოვარული, როგორც სხვა ქვეყნების. სუშის ძველი ტრადიციული მომზადების ტექნიკა ვიცოდი, რაც საქართველოში კარგად გამოვიყენე. თანდათან ჩემს სუშის ხალხის მხრიდან დიდი გამოხმაურება მოჰყვა, რამაც ძალიან გამახარა. სწორედ ამის შემდეგ გადავწყვიტე, მხოლოდ სუშის კუთხით მიეღოვა და

- ყველა შეფარვას აქვს ოცნება, ჰქონდეს საკუთარი რესტორანი. არც მე ვიყავი გამონაკლისი. ბათუმში ერთ-ერთი რესტორნის თანამფლობელი კი ვიყავი, მაგრამ

- თავიდან ეს შოკისმიმოგვრელი იყო, სრული ქაოსი, მაგრამ, ამავდროულად, ახალი შემართება, ახალი სფერო. ვიცოდით, რომ ყველანაირი გამოცდილება უნდა შემეძინა. მცოდნეობა მენეჯერის მოვალეობები როგორც ობიექტზე, ისე სამხარეოულში. ფაქტობრივად, სხვა თვალთ ხედვაც ყველაფერს, სხვანაირად გიწევს გადაწყვეტილების მიღება, პერსონალის არჩევა, მათთან ურთიერთობა. ამავდროულად, უამრავ საბუთთან გაქვს შეხება და რაც მთავარია, შეფშაბრულებთან ერთად იღებ სამხარეოულს მიმართულებით გადაწყვეტილებას. ასევე, გაქვს უამრავი საქმე, რესტორნის სფეროში ყველაფერი გამართული რომ იყოს. სუშობარის გარდა, ბათუმში ერთ-ერთი საშუაზრის თანამფლობელიც ვარ, სადაც შაურმის გარდა, შეშვარი ქათმები, კანჭი და მსგავსი კერძები გეჰყავს.

- აპირებთ თუ არა ქართული ინგრედიენტების გამოყენებას ტრადიციულ იაპონურ კერძებში?

- არ დანებდნენ! კულინარიულ გზაზე ბევრი სირთულე დახვდებათ და სწორედ ამ სირთულეების დაძლევის და გადალახვის შემდეგ გახდებიან ნამდვილი შეფები!

მარია მ ხითაროშვილი

**მან საჯიშვილი: საქართველო ყოველთვის იქნება
ერასმუსის პროგრამის ძლიერი პარტნიორი**

პირველი გვერდიდან

- დიდი პატივია ასეთი ღონისძიების მასპინძლობა. დარწმუნებული ვარ, ჩვენი პარტნიორობა გაგრძელდება და უფრო მეტად გაღრმავდება. ამის საფუძველს მაძლევს ის, რომ ჩვენს უნივერსიტეტში უწყვეტად არის ის გაცვლითი პროგრამები, რომლებიც ემსახურება როგორც სტუდენტების სხვადასხვა უნივერსიტეტში მივლინებას, ასევე, აკადემიური პერსონალის სხვადასხვა რეიტინგულ უნივერსიტეტთან თანამშრომლობას. გამოვეყოფიერებული ვარ ჩვენს უნივერსიტეტთან, რომელშიც გაცვლითი პროგრამაში. დღეს თამამად შეიძლება ითქვას, რომ ჩვენთვის ყველა კარი ღიაა. შესაბამისად, ეს შესაძლებლობები უნდა გამოვიყენოთ და მიღებული

- ერასმუსის პროგრამასთან ბათუმის შოთა რუსთაველის სახელმწიფო უნივერსიტეტის ძლიერი პარტნიორობა ნიშნავს, რომ ევროპულ უნივერსიტეტებთან კომუნიკაციას მისთვის ერთ-ერთი პრიორიტეტია, რაც ბსუ-ის ყველა პროგრამაში ჩანს. არ არსებობს უნივერსიტეტის არცერთი საფეხურის პროგრამა, იქნება ეს საბაკალავრო, სამაგისტრო თუ სადოქტორო, სადაც განსაკუთრებული ადგილი არ უჭირავს როგორც სტუდენტების, ასევე, აკადემიური პერსონალის ვაცვლით პროექტებს. ეს არის ხაზგასმა იმისა, თუ

ბათუმის სახელმწიფო უნივერსიტეტს მადლობა გადაუხადა ჰელენიკის (საბერძნეთი) ხმელთაშუა ზღვის უნივერსიტეტის წარმომადგენელმა ევანგელია მენგაძემ, რომლის თქმითაც, აუცილებელია სამომავლოდ დაიგეგმოს ერთობლივი პროგრამები, რომ-

- პასუხისმგებელი ვარ ერასმუსის გაცვლით პროგრამაში ჩართული სტუდენტებისა და პერსონალის მოზილობაზე, ვმუშაობ საერთაშორისო ოფისში. მოხარული ვარ, რომ დავეწყო ბათუმის შოთა რუსთაველის სახელმწიფო უნივერსიტეტში მეექვსე საერთაშორისო კვირეულს. ერასმუსის გაცვლით პროგრამის ფარგლებში ყოველ წელს ბუდუნე ვმასპინძლობ სტუდენტებს. თქვენს უნივერსიტეტთან სამომავლოდ ძალიან ბევრი გეგმა გვაქვს. ვფიქრობთ, პირველ რიგში, დავეგეგმოთ ერთობლივი საგანმანათლებლო პროგრამები, რომლებსაც სამომავლოდ აუცილებლად განვაერთიებთ, - აღნიშნა ევანგელია მიჩევაძე.

ნანა აბუღაძე



პედოფილია – ტაბუირიკი რეალობა, რომელზეც უნდა ვისაუბროთ

ბოლო 15 თვეში საქართველოში 229 ბავშვი გახდა სქესობრივი დანაშაულის მსხვერპლი, მათგან 43 გააუბრატიურეს, 6 - მხოლოდ აპრილში. ეს პროკურატურის ოფიციალური მონაცემებია, თუმცა ბავშვების მიმართ ჩადენილი სექსუალური ძალადობის ზუსტი სტატისტიკა არ არსებობს. ამას თავისი მიზეზი აქვს. ამ დანაშაულის ახასიათებს განსაკუთრებული ფარულიობა და გამოვლენის სირთულე, ამიტომაც ოფიციალური სტატისტიკის მიღმა ძალადობის შემთხვევების რიცხვიც გაცილებით მაღალი უნდა იყოს

პედოფილია ერთ-ერთი ყველაზე მტკივნეული და კომპლექსური საკითხია თანამედროვე საზოგადოებაში. ეს არ არის მხოლოდ ფსიქიკური აშლილობის ან სამართლებრივი დარღვევის თემა, ეს არის ბავშვების უსაფრთხოებასა და კეთილდღეობაზე შეტევა. საქართველოში, ისევე როგორც მსოფლიოში, ეს თემა ხშირად ტაბუდადებულია, რასაც კიდევ უფრო ათრთულებს ის, რომ ვერ ხერხდება მისი დროულად აღმოჩენა და პრევენცია. ბავშვები, რომლებიც პედოფილების ან, ზოგადად, სექსუალური შევიწროების მსხვერპლნი ხდებიან, იშვიათად ლაპარაკობენ საკუთარ განცდებზე. ეს ქმნის სერიოზულ რისკს მათი ფიზიკური და ფსიქიკური ჯანმრთელობისთვის.

სტატის მიზანია მშობლებს, პედაგოგებსა და საზოგადოებას მივაწოდოთ ცოდნა იმის შესახებ, თუ როგორ უნდა ამოიცნოს პრობლემის ნიშნები, როგორ იმოქმედონ და როგორ დაეხმარონ ბავშვს, რომელიც სექსუალური ძალადობის ან გარყვნილი ქმედების მსხვერპლია.

როგორც ფსიქოლოგები ამბობენ, პირველ რიგში, მნიშვნელოვანია გავმიჯნოთ: პედოფილიური მიზიდულობა - შესაძლოა პიროვნებას ჰქონდეს მიზიდულობა, თუმცა არასდროს განახორციელოს ქმედება; პედოფილიური ქმედება - ეს უკვე სექსუალური ძალადობის ან გარყვნილი ქმედების ფორმაა, რაც ბავშვის ნების წინააღმდეგ ხდება. ბავშვები პედოფილებისთვის უმჯობეს, ნდობით სავსე და იოლი სამიზნეები არიან. ხშირად მოძალადე ბავშვისთვის ნაცნობი ადამიანია, იგი შესაძლოა იყოს ოჯახის წევრი, მეზობელი, მასწავლებელი, მწვრთნელი ან მეგობარი. ასეთ შემთხვევებში ბავშვი შეიძლება ვერც კი აცნობიერებდეს, რომ მის მიმართ ძალადობა ან შეუსაბამო ქმედება განხორციელდა. ძალადობა შეიძლება გამოიხატოს: ფიზიკური შეხებით (დაბრკოლების გარეშე ან ძალადობით), სიტყვიერად (სექსუალური ხა-



სიათის კომენტარები), ინტერნეტით (ონლაინ გარყვნილი კომუნიკაცია, ფოტოები, ვიდეოები), ფსიქოლოგიური მანიპულაციით (საშინი საიდუმლოების შენახვა, შანტაჟი, საჩუქრებით მოტყუება და ა.შ.)

ფსიქოლოგი ქეთევან დევაძე ჩვენთან საუბარში ამბობს, რომ ბავშვისთვის სექსუალური ძალადობის ტრავმა ძალიან კომპლექსურია. სექსუალური ძალადობა არღვევს მის უსაფრთხოებისა და დაცულობის განცდას, ნდობას და ა.შ. შესაბამისად, ბავშვი სხვადასხვანაირად გამოხატავს და რეაგირებს მსგავს ტრავმულ გამოცდილებაზე. უმეტესად, პატარები ასეთ გამოცდილებას ჩაეტოვებით პასუხობენ, რადგან მათ გადახდათ რაღაც ისეთი, რომელზეც ჩვეულებრივ არავინ საუბრობს, რომელსაც ვერ ხედავს და ეს თითქმის ტაბუდადებულია, რადგან მასზე არაფერია სმენია. ზგონია, მისთვის ასეთ საკითხზე საუბარი არ შეიძლება, უზრდელობაა, უხერხულია, მიუღებელია... ამ გამოცდილებაში ბავშვი სრულიად მარტო რჩება, ხშირად ძალიან დიდხანს ან სამუდამოდ მალავს ასეთ ტრავმულ შემთხვევებს.

მშობლებმა ყურადღება უნდა მიაქციონ ქცევით ნიშნების შემდეგ ცვლილებებს: შფოთვა, გაღიზიანება, აგრესიულობა ან უკიდურესი სირუმი; დაქვეითებული ინტერესები თამაშის ან მეგობრების მიმართ; ძილის ან კვების დარღვევა; გაუცხოება კონკრეტულ ადამიანებთან ურთიერთობისას.

- ბავშვი ასეთ დროს ხშირად იცეტება საკუთარ თავში, შესაძლოა ოთახიდან არ გამოდიოდეს, აღარავის ეკონტაქტებოდეს, ასევე, დამახასიათებელია სხვადასხვა დეპრესიის სიმპტომატიკა - მადის, ძილის დარღვევები, ხშირია კომპარები, შესაძლოა შევამჩნიოთ, რომ ძალიან გადამეტებულად იცავს ჰიგიენას, მუდმივად იბანს, ან, პირიქით, საერთოდ უარს ამბობს ჰიგიენის დაცვაზე. შე-

საძლოა ასაკობრივად შეუფერებელი საქციელი გამოვლინდეს, ლაპარაკისას ძალიან ახლო კონტაქტს ამჯარებდეს, სხეულებრივ საზღვარს ვეღარ იცავდეს იმიტომ, რომ ვიდაც გარე პირმა სექსუალური ძალადობის დროს ეს საზღვრები დაარღვია, - ამბობს ქეთევან დევაძე. მისივე თქმით, ასეთ შემთხვევებში მშობლის რეაქცია კრიტიკულია ბავშვის შემდგომი ფსიქოლოგიური მდგომარეობისთვის. პირველ რიგში, მნიშვნელოვანია, არ გამოავლინოს პანიკა - ბავშვს სჭირდება სიმშვიდე და სტაბილურობა; მშობელმა უნდა გაამხნევოს - უთხრას, რომ ის არ არის დამნაშავე და ყველაფერი სწორად გააკეთა, რომ ამაზე ილაპარაკა (ან თუნდაც მინიშნება მისცა); მოუხმინოს შინაარსის დეტალიზაციის გარეშე - არ აიძულოს ბავშვი, უამბოს ყოველი წვრილმანი, ეს ფსიქოლოგისთვის უნდა დარჩეს; დაუყოვნებლივ მიმართოს სამართალდამცავებს და ბავშვთა ფსიქოლოგს.

ბავშვთან კომუნიკაცია უნდა იყოს ასაკთან შესაბამისი, თანმიმდევრული და მჭიდროდ დაკავშირებული პირადი საზღვრების გაგებასთან.

მათ უნდა ვასწავლოთ, რომ სხეული მათი საკუთრებაა და „არას“ თქმა ნებისმიერ ზრდასრულთან შეიძლება; უნდა გავაფრთხოთ, რომ ნებისმიერ შეხებაზე, რომელიც მათ არ მოსწონთ, უფლება აქვთ უარი განაცხადონ და თქვან ამაზე; უნდა დავამყაროთ ნდობა, ვუთხრათ, რომ ნებისმიერ თემაზე შეუძლიათ ისაუბრონ.

როგორც ფსიქოლოგი ამბობს, ასეთ დროს უმნიშვნელოვანესია მშობლის, მასწავლებლისა თუ აღმზრდელის როლი. ბავშვები მალავენ ამ ინფორმაციას იმიტომ, რომ უმეტესად არ იციან, ვის უნდა მიმართონ. არ იციან, რომ ამ თემაზე საუბარი ნებადართულია. ხშირად მშობლები, მასწავლებლები და აღმზრდელები შენიშვნასაც აძლევენ და უკრძალავენ კიდევ სექსუალური ხასიათის თემაზე საუბარს. არის შემთხვევები, როცა ბავშვმა სასქესო ორგანოების სახელებიც კი არ იცის. იცის, რომ ამაზე საუბარი მიუღებელია, შესაბამისად, თუ მშობელს მიმართავს, არ იცის, მას როგორი რეაქცია ექნება. ხომ არ დასჯიან? მას ხომ არ დააბრალებენ რამეს? რადგან ასეთ დროს ძალიან მაღალია ბრალეულობის განცდაც.

- ძალიან მნიშვნელოვანია, ყველაფერი გააკეთო მშობელმა იმისთვის, რომ ბავშვმა კომფორტულად იგრძნოს თავი ნებისმიერი ინფორმაციის გაზიარებისას. მნიშვნელოვან-

ნია, არ დაუშვათ კითხვები: რატომ არ შეეწინააღმდეგე? რატომ აქამდე არ მითხარი? რათა მისი ბრალეულობა არ დაემაძიმოთ, - აღნიშნავს ფსიქოლოგი და დასძენს, - მნიშვნელოვანია, ბავშვი მოძალადესთან ურთიერთობაში აღარასდროს შევიდეს - ეს შეცდომა ხშირად ხდება, თუ მოძალადე ოჯახის წევრია.

- მნიშვნელოვანია, ბავშვმა საუბრის დროს თავი დაცულად იგრძნოს, მიხედვით, რომ საფრთხე აღარ ემუქრება, რომ მას არაფერს დააბრალებენ, მისი ესმით და ყველაფერს გააქეთებენ მის დასაცავად. ასევე, როდესაც ხდება სექსუალური ძალადობა ბავშვის მიმართ, მნიშვნელოვანია იგი დავიცვათ ტრავმის ხელახალი განმეორებისაგან. ბავშვი უნდა იყოს უსაფრთხო გარემოში და მასთან მოძალადეს კონტაქტი აღარ უნდა ჰქონდეს. ასევე, ბავშვს არ უნდა მოუწიოს ამ თემაზე განმეორებით საუბარი. ძალიან ხშირად, როდესაც ბავშვი ჩვენებს აძლევს, ამ ამბავს ჯერ მშობელთან ყვება, შემდეგ სხვა ადამიანთან, პოლიციის განყოფილებაშიც და სასამართლოშიც. ამ ინფორმაციის ხელახლა გახსენებით მისი ხელახალი ტრავმირების რისკი ჩნდება. ამიტომ ძალიან მნიშვნელოვანია, ჩვენი კანონმდებლობა ამას არეგულირებდეს და გვაძლევდეს საშუალებას, რომ ბავშვი გამოიკითხოს მხოლოდ ერთხელ. ცხადია, სასურველია ასეთი რამის შემდეგ ბავშვთან იმუშაოს ფსიქოთერაპევტმა, - ამბობს ქეთევან დევაძე.

პედოფილიასთან ბრძოლის მთავარი გზა პრევენცია, განათლება და სისტემური რეაგირებაა. ბავშვს უნდა ჰქონდეს ინფორმაცია საკუთარი სხეულის, პირადი სივრცისა და უფლებების შესახებ; მნიშვნელოვანია ბავშვების ფსიქო-სოციალური მხარდაჭერა - ფსიქოლოგების ხელმისაწვდომობა სკოლებსა და პედაგოგიურ გარემოში; აუცილებელია მშობლებს ჰქონდეთ პრაქტიკული ცოდნა პრობლემის ამოცნობისა და მართვისთვის; აუცილებელია მკაცრი კანონი და მართლმსაჯულება - პედოფილთა მიმართ ლმობიერი დამოკიდებულება საფრთხის წყაროა; ინტერნეტუსაფრთხოება - მშობლები უნდა იყვნენ ჩართულნი ციფრულ ცხოვრებაში, იცოდნენ, როგორ და ვისთან ურთიერთობენ ბავშვები ონლაინსივრცეში.

პედოფილია არ არის საკითხი, რომელიც მხოლოდ „სხვებთან“ ხდება. ის რეალობაა, რომელიც ნებისმიერ ოჯახში შეიძლება გაჩნდეს, თუ არ ვსაუბრობთ, არ ვუხმენთ და არ ვამჩნევთ. ბავშვის უსაფრთხოება იწყება სახლში - ნდობით, განათლებითა და სიყვარულით, რაზეც თითოეულმა მშობელმა, მასწავლებელმა თუ მოქალაქემ საკუთარი წილი პასუხისმგებლობა უნდა აიღოს.

პირველი საერთაშორისო საზაფხულო კონფერენცია – ბათუმში

ბათუმში რეგიონული თანამშრომლობის გადრმაგების მიზნით პირველ საერთაშორისო საზაფხულო კონფერენციას უმასპინძლა. აქამდე „ახალგაზრდული უმაღლესი საბჭო“ და ბათუმის შოთა რუსთაველის სახელმწიფო უნივერსიტეტი, აჭარის ავტონომიური რესპუბლიკის განათლებისა და სპორტის სამინისტროს მხარდაჭერით, ორგანიზებას უწევენ პირველ საერთაშორისო საზაფხულო კონფერენციას თემაზე - „ახალი ჰორიზონტები: რეგიონული თანამშრომლობის გაძლიერება აღმოსავლეთ პარტნიორობის, სამხრეთ კავკასიისა და ცენტრალური აზიის ქვეყნებს შორის“



ლონისძიება ბათუმის შოთა რუსთაველის სახელმწიფო უნივერსიტეტში 8 ივნისს გაიხსნა და 12 ივნისის ჩათვლით გაგრძელდა. იგი მიზნად ისახავს დარგის ექსპერტებს, ახალგაზრდა ლიდერებს, პროფესორ-მასწავლებლებს და სამოქალაქო სექტორის წარმომადგენლებს შორის ინკლუზიური დიალოგისა და სტრატეგიული თანამშრომლობის გადრმაგებას.

საერთაშორისო და ადგილობრივმა მონაწილეებმა ჩაერთნენ ინტერაქტიულ პანელურ დისკუსიებში, ექსპერტების მიერ მოდელირებულ თემატურ სამუშაო შეხვედრებსა და კულტურულ ღონისძიებებში, რომლებიც ხელს შეუწყობს საერთო რეგიონული გამოწვევების ინოვაციური გზებით გადაჭრისა და საერთაშორისო კავშირების გაძლიერების პროცესს. ღონისძიება უნიკალური პლატფორმაა რეგიონთაშორის თანამშრომლობის ახალ ეტაპზე გადასასვლელად, გან-

საკუთრებით იმ პირობებში, როდესაც გლობალური და რეგიონული გამოწვევები კიდევ უფრო მეტ ერთობასა და ინოვაციურ მიდგომებს მოითხოვს.

- საფუძველი ჩაეყარა პირველ საზაფხულო კონფერენციას და ეს არის „ახალი ჰორიზონტები“ ანუ ურთიერთობები ევროპასა და აზიას შორის. როგორც მოგეხსენებათ, საქართველოს გეოპოლიტიკური მდგომარეობიდან გამომდინარე, მკვეთრად არის გაზრდილი ჩვენი როლი რეგიონში, შესაბამისად, ჩვენს უნივერსიტეტში მსგავსი კონფერენციების ჩატარება არის ძალიან მნიშვნელოვანი არა მხოლოდ აკადემიური პირებისათვის, არამედ სტუდენტებისთვისაც, ეს გვებმარება, გაცვავს ინფორმაციები, ჩვენი პრაქტიკული და თეორიული ცოდნა და შესაბამისად, ჩამოვაყალიბოთ ერთი საერთო მიზანი რეგიონში. ვიმედოვნებ, რომ მსოფლიოში შექმნილი მდგომარეობიდან გამომდინარე, გაგრძელდება, მსგავსი საერთაშორისო სამეცნიერო კონფერენციების ორგანიზება და შეგხედებით გარემოში, სადაც გვექნება აკადემიურ სივრცეში ერთმანეთთან დისკუსიის, აზრის გაცვლის შესაძლებლობა. დღეს კონფერენციის მონაწილეები წარმოდგენილი იყვნენ რამდენიმე ქვეყნიდან, რაც, შესაბამისად, კიდევ უფრო ზრდის ამ კონფერენციის მნიშვნელობას, - გვითხრა ბსუ-ის იურიდიულ და სოციალურ მეცნიერებათა ფაკულტეტის დეკანის მოადგილემ, ბიზნესადმინისტრირების დოქტორმა თამაზ ვარშანიძემ.

ბათუმის შოთა რუსთაველის სახელმწიფო უნივერსიტეტმა დაახლოებით 10 სხვადასხვა ქვეყნის წარმომადგენელს უმასპინძლა. შეხვედრა აჭარის განათლებისა და სპორტის სამინისტროს ფინანსური მხარდაჭერით განხორციელდა. გვჯავდა მოწვეული სტუმრები დიდი ბრტანეთიდან, სომხეთიდან,

აზერბაიჯანიდან, ცენტრალური აზიისა და აღმოსავლეთის პარტნიორი ქვეყნებიდან. მნიშვნელოვანია ის საკითხები, რა თემებიც იყო უშუალოდ სპიკერებისგან წარმოდგენილი. ეს არის განათლების მიმართულება, ახალგაზრდული პოლიტიკა, განახლება ენერგია, მდგრადი განვითარება და, რაც მთავარია, უსაფრთხოების საკითხები. ვფიქრობ, დღევანდელ მსოფლიოში მნიშვნელოვანია დიალოგის არსებობა, რადგან სწორედ მისი ნაკლებობა ის მთავარი პრობლემა, რაც ზოგადად საზოგადოებაში არსებობს. შესაბამისად, ის საკითხები, რაც განვიხილეთ, არის გრძელვადიან პერსპექტივაზე მორგებული. დღეს დაიგეგმება თანამშრომლობა და ხვალ გაგრძელდება კონკრეტული შედეგებით, რაც ძალიან მნიშვნელოვანია, - გვითხრა კონფერენციის იდეის ავტორმა, ბსუ-ის იურიდიულ და სოციალურ მეცნიერებათა ფაკულტეტის ასისტენტ-პროფესორმა გიგა ფარტენაძემ.

- ამ კონფერენციამდე, ბატონ გიგა ფარტენაძეს, წელს, სხვა წევრებთან ერთად, ჟგონ სმიტ თრასტ-ის პროგრამის ფარგლებში შეგხვდით. მასწავლებელი, რომ ეს ურთიერთობა აუცილებლად უნდა გაგვეგრძელებინა. გიგამ გადაწყვიტა, ორგანიზება გაეწია საერთაშორისო კონფერენციისთვის, რათა კიდევ ერთხელ შეგხედროდით ერთმანეთს, გველაპარაკა სხვადასხვა საკითხზე და გვემსჯელა, როგორი თანამშრომლობა შეგვიძლია ქვეყნებს შორის. საკმაოდ საინტერესო საკითხები განვიხილეთ. ჩვენ ეკონომიკის, ენერგეტიკის, ფინანსური კუთხით ვისაუბრეთ. დარწმუნებული ვარ, ეს თანამშრომლობა მეტად დავგაახლოებს ერთმანეთს, - გვითხრა აზერბაიჯანის ცენტრალური ბანკის ვიცე-პრეზიდენტმა გიულარ პაშევამ.

გვერდი მოაზადა მარიამ ხითაიშვილი

„კვალი“ – ახალი ფესტივალი

საავტორო მუსიკის პოპულარიზაციისთვის

ბათუმს ახალი, საავტორო მუსიკის ფესტივალი „კვალი“ შეემატა, რომელიც ადგილობრივ არტისტებს საშუალებას მისცემს, თავიანთი შემოქმედება ფართო აუდიტორიის წინაშე წარმოაჩინონ

ფესტივალის მიზანია მაღალი ხარისხის მუსიკალური კონცერტების ორგანიზება, ადგილობრივი ხელოვნებისა და შემოქმედებითი ინდუსტრიების ხელშეწყობა, მუსიკის მოყვარულთათვის განსხვავებული უნარისა და სტილის მუსიკის შეთავაზება.

6 ივლისს, საღამოს შვიდი საათიდან, „რვაფხასთან“ გელოდებით გემოვნებიანი მუსიკა და მუსიკოსთა ჯგუფები: ქრაში, Catfish-I, lio with ila და Bek bekson-i, ასევე dj ჩიკი, ლათინო მოცეკვავეები - ბავშვთა გუნდი ომარ ყურავას ხელმძღვანელობით და მხატვარი იოსებ ჯორბენაძე, რომელიც ლაივში დახატავს.

ფესტივალის შესახებ „ბათუმი ნექსუსის“ დირექტორი, ფესტივალის დამფუძნებელი, მუსიკოსი ნიკო პერიძე გვსაუბრა.

- აჭარის რეგიონი გამოირჩევა თავისი მუსიკალურობითა და შემოქმედებითი მრავალფეროვნებით. ჩვენი ქალაქი განებივრებულია სხვადასხვა ფესტივალითა და კულტურული აქტივობით, თუმცა დღესდღეობით არა მხოლოდ აჭარაში, არამედ, ზოგადად,



კვალი

ხელოვნების ფესტივალი

ლოვეროვნებით. ჩვენი ქალაქი განებივრებულია სხვადასხვა ფესტივალითა და კულტურული აქტივობით, თუმცა დღესდღეობით არა მხოლოდ აჭარაში, არამედ, ზოგადად,

ქართულ ბაზარზე, დამკვეთების მოთხოვნა მხოლოდ ჰიტებისა და ე.წ. ქავერ ვერსიების შესრულება, რის გამოც მუსიკოსები ვერ ახერხებენ საკუთარი შემოქმედების წარმოჩენას. ამიტომაც გადავწყვიტეთ, შეგვექმნა მუსიკალური პროექტი, რომელიც საშუალებას მისცემს ადგილობრივ არტისტებს, წარმოაჩინონ თავიანთი შემოქმედება და ის ინდივიდუალური ხელწერა, რაც საავტორო მუსიკას გააჩნია. ფესტივალი ორიენტირებულია მუსიკალურ ექსპერიმენტებზე, ინოვაციურ ჟღერადობებსა და საავტორო შემოქმედების ხელშეწყობაზე. აღნიშნული პროექტის უნიკალურობა ისაა, რომ თითოეული არტისტი შეასრულებს არა მხოლოდ უცხოენოვან, არამედ ქართულ ენაზე შექმნილ სიმღერებსაც. შესაბამისად, გარდა საავტორო მუსიკისა, ხელს შევუწყობთ ქართული სიმღერის პოპულარიზებას, ამასთანავე, გაუფრთხილეთ ელექტრონული მუსიკა, რომელიც დატვირთული იქნება ქალაქ ბათუმთან ასოცირებული სმებითა და ჟღერადობით.

ფესტივალის მთავარი მიზანი საავტორო მუსიკის მასობრივად გავრცელება, ადგილო-

ბრივი მუსიკოსების, ბენდების მოტივირება, მხარდაჭერა და მათი ფართო აუდიტორიისთვის გაცნობა, რეგიონში კულტურული ცხოვრების უფრო მეტად გამრავალფეროვნება და აჭარის, როგორც კულტურული ჰაბის, კიდევ უფრო გამოკვეთა, ხელოვნებისა და მუსიკის საშუალებით სოციალური და კულტურული ინტეგრაციის გაძლიერება.

პროგრამა მოიცავს სხვადასხვა მუსიკალურ ჟანრს, რომელიც დააკმაყოფილებს ყველანაირი მუსიკალური გემოვნების მქონე მსმენელს და რომელშიც ჩართული იქნებიან როგორც ბენდები, ასევე, ინდივიდუალური შემსრულებლებიც. ფესტივალის ფარგლებში ჩატარდება ცოცხალი კონცერტი, არტგამოფენები (ადგილობრივი ახალგაზრდა მხატვრების, მოქანდაკეების, ფოტოგრაფების ექსპოზიციები, პერფორმანსები), შეიქმნება მოსასვენებელი სივრცეები, წარმოდგენილი იქნება ქართული სამზარეულო. ფესტივალი დაგეგმილია ღია ცის ქვეშ, ბათუმის ბულვარში, სადაც დასწრება თავისუფალია. შესაბამისად, იქნება ადგილობრივი მოსახლეობისა და ვიზიტორების მაქსიმალური ჩართულობა, რაც ფესტივალს მრავალფეროვნებასა და ინტერაქტიულობას შესძენს. ჩატარდება გათამაშებები, რომლებიც შეესაბამება ფესტივალის თემატიკას - გვიტოხა ნიკო ბერიძე.

ყოველწლიური ანგარიში – საზოგადოებას

მუზეუმში ამიკან კახიძისადმი მიძღვნილი საღამო გაიმართა

ბათუმის საზაფხულო თეატრში აჭარის ხალხური ხელოვნების სკოლა 2024-2025 სასწავლო წლის საანგარიშო კონცერტით წარსდგა. მსგავსი ღონისძიება 2020 წლიდან ტარდება და მისი მიზანი სასწავლო შემოქმედებითი პროცესის თავმოყრა და ფართო აუდიტორიისთვის გაცნობაა

კონცერტში მონაწილეობა მიიღეს ხალხური მუსიკისა და ქორეოგრაფიული განყოფილებების პირველი და მეორე კურსის, ასევე, ტრადიციული რეწვის განყოფილების მოსწავლეებმა, პროფესიული მომზადება/გადამზადების მოკლევადიანი პროგრამების: „ფოტოგრაფია“, „ქართული ეროვნული სამოსი და მისი სასცენო გადაწყვეტა“, „ქორეოგრაფიული ანსამბლის მოცეკვავე-მსახიობი“ და „ფოლკლორულ-ინსტრუმენტული ანსამბლის აკომპანიატორ-მსახიობი“ კურსდამთავრებულებმა.

საღამოზე წარმოდგენილი იყო: ქართული ხალხური, თანამედროვე, სამეჭლისო და მსოფლიო ხალხთა ცეკვები, ქართული ხალხური და ქალაქური სიმღერები.

კონცერტის პარალელურად, თეატრის ფოიეში გამოიფინა ტრადიციული რეწვის მოსწავლეების ნაქა-

ლოვანს განათლებასთან, ნიჭთან და შრომისმოყვარეობასთან ერთად, აყალიბებს მაყურებელი, ცოცხალი ემოციები. მინდა აღვნიშნო, რომ ეს არ არის ერთადერთი აქტივობა, რომელსაც ვატარებთ წლის განმავლობაში. ჩვენი მოსწავლეები განებივრებული არიან ხელოვნების სხვადასხვა დარგის სპეციალისტებთან შეხვედრებით, საჯარო ლექციებით, პოეზიის საღამოებით, მასტერკლასებით. ყოველწლიურ ვცდილობთ, რომ მათ ბევრი საჭირო ინფორმაცია მივაწოდოთ. სკოლამ ბოლო ექვსი წლის განმავლობაში არაერთ მნიშვნელოვან წარმატებას მიაღწია. განახლდა სკოლის მატერიალურ-ტექნიკური ბაზა, შეიცვალა სასწავლო პროგრამები, მოვიპოვეთ ათი პროფესიულ მომზადება/გადამზადების პროგრამის განხორციელების უფლება. იზრდება კურსდამთავრებულთა დასაქმების სტატისტიკა აჭარის აკადემიურ და მუნიციპალურ ანსამბლებში, კულტურის ცენტრებში, სკოლებში, ბაღებში. სკოლაში მომართვიანობა გაიზარდა გურიის, სამეგრელოს რეგიონებიდან. ჩვენი ერთი კურსდამთავრებული დასაქმდა ზაქარია ფალიაშვილის სახელობის თბილისის ოპერისა და ბალეტის თეატრის საბალეტო დასში... ყოველივე ეს არა მარტო ჩვენი სკო-



როგობები, ნაქსოვები და ხელნაკეთი ნივთები. კურსდამთავრებულების მიერ შექმნილი ეროვნული სამოსი, ასევე, ფოტონამუშევრები.

ღონისძიებას აჭარის კულტურის მინისტრის მოადგილე ზაურ ახვლედიანი, კულტურის დეპარტამენტის უფროსი ნათია ბლაგიძე, სამინისტროს სხვა წარმომადგენლები, ხალხური ხელოვნების სკოლის დირექტორი ვახტანგ ბერიძე და მოწვეული სტუმრები ესწრებოდნენ.

- ტრადიციად დავამკვიდრეთ საანგარიშო კონცერტის ჩატარება, რაც მთელი წლის საქმიანობის ერთგვარი შეჯამებაა. ახალგაზრდებს სწავლის პროცესშივე ეძლევათ მაყურებელთან შეხვედრის საშუალება. ხე-

ლის, არამედ რეგიონის წარმატებად მიმაჩნია. აჭარის ხალხური ხელოვნების სკოლის მისიაა, განათლების მეშვეობით, არამატერიალური კულტურის ძეგლის - ქართული ფოლკლორის დაცვა, განვითარების ხელშეწყობა, რასაც ის ზედმიწევნით ასრულებს - აღნიშნა ვახტანგ ბერიძემ.

ცნობისთვის: დაინტერესებულ პირებს, აჭარის ხალხური ხელოვნების სკოლაში სამ სასკოლო გრძელვადიან და ათ მოკლევადიან მომზადება/გადამზადების პროგრამაზე უფასოდ შეუძლიათ სწავლა. სკოლაში 2025-2026 სასწავლო წლისთვის მიღება 20 ივნისამდე გრძელდება.

მუზეუმში ამიკან კახიძისადმი მიძღვნილი საღამო გაიმართა

ბათუმის ხარითონ ახვლედიანის სახელობის მუზეუმში ბათუმის არქეოლოგიური მუზეუმის დამაარსებელი, მსოფლიო მასშტაბით აღიარებული არქეოლოგი, ისტორიის დოქტორი, ბსუ-ის პროფესორ ემერიტუსი ამირან კახიძე გაიხსენეს, რომელსაც დაბადებიდან 90 წელი შეუსრულდებოდა

შეხვედრაზე აჭარის სამუზეუმო გაერთიანების დირექტორმა თეონა ზოიძემ ამირან კახიძის სამეცნიერო მოღვაწეობაზე, მიღწევებზე, პედაგოგიურ საქმიანობასა და მის განვლილ ცხოვრებაზე ისაუბრა

- შეგვიძლია ძალიან ბევრი რამ ვთქვათ ბატონ ამირანზე, როგორც არქეოლოგიის ფუძემდებელზე საქართველოში, არქეოლოგიური მუზეუმის დამაარსებელზე. ვფიქრობ, ამ ტიპის ღონისძიებები კიდევ ერთხელ შეახსენებს საზოგადოებას მის, როგორც ბუმბერაზი ადამიანის, მნიშვნელობას, ასეთი ადამიანები იშვიათად იბადებიან და ვფიქრობ, ბატონმა ამირანმა თავისი დიდი წვლილი შეიტანა როგორც სამუზეუმო საქმიანობაში, ასევე, არქეოლოგიის მიმართულებით, - აღნიშნა თეონა ზოიძემ.



ღონისძიებაზე შეკრებილებმა გაიხსენეს ამირან კახიძესთან დაკავშირებული პირადი ისტორიები, ხაზი გაუსვეს მის, როგორც პროფესორის, ღვაწლს აჭარის, საქართველოს და ზოგადად, მსოფლიო სამუზეუმო საქმიანობაში. აღსანიშნავია, რომ სწორედ მას უკავშირდება საქართველოში არქეოლოგიის სკოლის შექმნა.

- უმნიშვნელოვანესია იმ ადამიანების გახსენება და პოპულარიზაცია, რომლებმაც საკუთარი წვლილი შეიტანეს ქართული კულტურის განვითარებასა და მსოფლიო არენაზე გატანაში. მაღლობს ვუხედავთ ღონისძიების ორგანიზატორებს, თითოეულ სტუმარს მობრძანებისთვის, - თქვა ამირან კახიძის შვილმა ემზარ კახიძემ.

შეხვედრაზე გაუფრთხილეთ, რომ ბათუმის არქეოლოგიური მუზეუმის რეაბილიტაციის შემდეგ, შენობის სკვერში ამირან კახიძის ბრინჯაოს ბიუსტი დაიდგმება, რომელზეც ბათუმელმა მოქანდაკე დავით ბოლქვაძემ მიუშავა.

ღონისძიებას ქალაქ ბათუმის მუნიციპალიტეტის საკრებულოს წარმომადგენლები, ბათუმის შოთა რუსთაველის სახელმწიფო უნივერსიტეტის პროფესორ-მასწავლებლები, კოლეგები, მეგობრები, ოჯახის წევრები და სხვები ესწრებოდნენ. მათ კიდევ ერთხელ გადაავლეს თვალი ამირან კახიძის ფოტო და ვიდეომასალებს, რომლებიც სხვადასხვა დროსა და სივრცეში მის კვლევით საქმიანობას ასახავს.

ბათუმის შოთა რუსთაველის სახელმწიფო უნივერსიტეტის ყოფილი რექტორი, პროფესორი, მსოფლიო ღონის არქეოლოგი, მრავალი თაობის აღმზრდელი, არაერთი ექსპედიციის მონაწილე, ღირსების ორდენისანი ამირან კახიძე 2023 წელს გარდაიცვალა.

გვერდი მოამზადა ნანა აპულაშვილი

მთავარი რედაქტორი მარიანა მითაიშვილი	გამომგვამი რედაქტორი ირმა შერვაშიძე ლიტერატურული რედაქტორი ეთერ სომარიკი	რედაქცია პასუხს არ აგებს უცხოური პრესიდან თარგმნილი მასალების, ფაქტების, ინფორმაციის სიზუსტეზე, აგრეთვე სარეკლამო განცხადებების შინაარსსა და სტილზე. R ნიშნით აღნიშნული სტატიები იბეჭდება რეკლამის უფლებით. რედაქციაში შემოსული მასალები ავტორებს არ უბრუნდებათ.	გამომცემი - შპს «ბაზმითი აჭარა ლა ალპარია» კოორდინირებული მომსახურება - შპს «კოლორ პრესი» მის: ქ. თბილისი, ქ. ბაქდაშაძის ქ. №3	მისამართი: 6000, ბათუმი, გრიგოლავის ქ. №2 ტელ: 27-13-31 აიწყო და დაკავალდა გაზეთი აჭარის კომ. ცენტრი დასაბეჭდად ხელმოწერილი 12/06/25, 17 წ. სთ.	დირექტორი მამუკა პერიკი
---	---	---	--	--	--

ანიმაციაში ბასოსხლავი კუპატა

ალბათ ყველას ახლავს ბათუმელი ძაღლი კუპატა, რომელიც პოპულარული გახდა მას შემდეგ, რაც ინტერნეტში გავრცელდა ვიდეო, თუ როგორ ეხმარებოდა ის ბავშვებს ქუჩის გადაკვეთაში. სანამ ბავშვები „ზებრაზე“ გადადიოდნენ, კუპატა წინ მიდიოდა და მანქანებს უყვებოდა, გზას უღობავდა, რათა პატარები უსაფრთხოდ გადასულიყვნენ.

კუპატა ქუჩაში გაზრდილი ძაღლი იყო, რომელზეც მთელი უბანი ზრუნავდა. 2023 წელს კუპატა ავად გახდა და, ხალხის მცდელობის მიუხედავად, მისი გადარჩენა, სამწუხაროდ, ვერ მოხერხდა.

წელს, ბავშვთა დაცვის დღესთან დაკავშირებით, „საქართველოს ბანკმა“ გადაწყვიტა, კუპატას შესახებ ანიმაციური რგოლი შეექმნა და ასე მიელოცა პატარებისთვის ეს დღე. ანიმაციის მთავარი სლოგანია „სიყვარულმა გაჩერება არ იცის“, რაც იმას გულისხმობს, რომ თუ რაღაც გულწრფელად გიყვარს, მისკენ მიმავალ გზაზე ვერაფერი შეგაჩერებს.

რატომ გახდა „საქართველოს ბანკისთვის“ შთაგონების წყარო კუპატა, ამაზე თავად ბანკის ბრენდის მიმართულების ხელმძღვანელი **მარიამ ტანაშა** გვსაუბრა.

- იდეა მას შემდეგ გაჩნდა, რაც გადაწყვიტეთ, რომ გავგეგმებინა ისეთი ანიმაციური რგოლი, როგორიც საქართველოში არ გავრცელებულა. ასევე, ვფიქრობდით ბავშვების საყვარელ პერსონაჟებზე, რომლებიც შეიძლება მათთვის საინტერესო ყოფილიყვნენ. ძალიან ბევრი ვერსია განვიხილეთ და საბოლოოდ, ჩვენს კრეატიულ სააგენტოსთან ერთად, შევჩერდით „კუპატაზე“ ვერსიაზე, რადგან ის ყველას უყვარს არა მხოლოდ ბათუმში, არამედ მთელ საქართველოში. კუპატა ბავშვებზე ზრუნვის საოცარი მაგალითია. იგი არასდროს ჩერდებოდა და, დაბრკოლებების მიუხედავად, ზრუნავდა ბავშვებზე. ჩვენი ანიმაციით გვინდოდა ადამიანებისთვის გვეჩვენებინა, რომ საყვარელი საქმის გამო ბევრი დაბრკოლების გადალახვა შეიძლება, - გვითხრა მარიამმა.

რაც შეეხება მუშაობის პროცესს და ანიმაციის შექმნის სირთულეებს, ამის შესახებ სტუდია GARNAMAIAC-ის პროდიუსერი **ოთო შამუშია** გვიყვება.



- ბავშვთა დაცვის საერთაშორისო დღესთან დაკავშირებით „საქართველოს ბანკმა“ გადაწყვიტა, ბავშვებისთვის საყვარელ და კეთილ გმირზე პატარა ანიმაცია გავკეთებინა და ამ გზით გავცოცხლებინა სასიამოვნო მოგონებები კუპატაზე, რისთვისაც ჩვენ დაგვიკავშირდნენ. უამრავი მონდომებული ადამიანის ძალისხმევით შედეგია ეს ანიმაცია, ჩვენს სტუდიას კი იდეის სამ განზომილებაში აღსრულების პატივი ხვდა წილად. აუცილებლად უნდა აღვნიშნო გუნდი, რომელმაც ანიმაციაზე იმუშავა. მისი ვიზუალური განვითარება და გრუპინგი ნიკა მანსურაძისაა, ხოლო სამხატვრო ხელმძღვანელი სანდრო ტატინაშვილია. პერსონაჟების და დეტალების ვიზუალური განვითარება და გრაფიკა, რაც ანიმაციაში ძალიან მნიშვნელოვანია, თამუნა ჩაგუნავასა და რენა ჩაჩანიძის ეკუთვნით. პერსონაჟების მოდელირების და ანიმაციის ავტორი ირაკლი კილაძეა, ხოლო სამ განზომილებაში ანიმაცია შექმნის მართვა გიორგი აძემ, თამო ნებეგიძემ და მიშო აბრამიძემ. ვფიქრობ, ყველამ ერთად დიდი წვლილი შეიტანეთ, რომ ეს ანიმაცია გამოსულყო ისეთი, როგორიცაა.

- რატომ მაინცდამაინც - კუპატა?

- ის საქართველოში ვირუსულად გავრ-

ცელებული ვიდეოს მთავარი მოქმედი გმირია, რომლის გახსენებაც დღესაც ყველას სიბოთით და სიყვარულით გვავსებს. ის, როგორც ბავშვების მეგობარი და კეთილი ძაღლი, დიდხანს დარჩება ჩვენს მეხსიერებაში, მაგრამ ამ რგოლით მისი სახელი კიდევ უფრო უკვდავყავით.



- როგორ მიიღო საზოგადოებამ აღნიშნული ანიმაცია?

- რასაც დავაკვირდით, სოციალურ მედიაში საოცრად პოზიტიური და ემოციური კომენტარებია. ველოდით, რომ დადებითი გამოხმაურება იქნებოდა, მაგრამ არა - ასეთი მასშტაბის. არ აწყენს ქვეყანას დადებითი ემოციები და გვიხარია, რომ ამაში ჩვენი მცირე

წვლილიც შევიტანეთ.

- ხომ არ დაგვიკავშირდნენ კუპატას თავგანისმცემლები ან თავად ბათუმელები?

- ძალიან ბევრი ადამიანი გვწერს, მათ შორის ბათუმიდან და ნამუშევრისთვის მადლობას გვცხადებ. მიუხედავად იმისა, რომ თავად ჯერ არ გავგიზიარებია ჩვენს ოფიციალურ გვერდებზე, ძალიან მარტივად მოგვაგნეს და კომპლიმენტებით შეგვაშთაბნელა.

- რამდენად ღირებულია ეს პროექტი თქვენი გუნდისთვის?

- ძალიან! მაყურებელი ვერ ამჩნევს გარკვეულ ნიუანსებს, რასაც ანიმაციის შექმნის დროს ვაკეთებთ, მაგრამ ჩვენ ზუსტად ვიცით, სად რისი პოტენციალი ვერ გამოვიყენეთ. ჩვენი სტუდია და გუნდი ყოველთვის „უკეთეს გეგმდებით“ ვითარდებოდა და ძალიან გვიხარია, რომ კუპატას ანიმაციამ ჩვენს პროგრესში მნიშვნელოვანი წვლილი შეიტანა.

- ბევრი მაყურებელი ითხოვს კუპატაზე მულტფილმის შექმნას...

- რა თქმა უნდა, ჩვენც გვიფიქრია ამაზე. თავად „საქართველოს ბანკი“ თუ მოსურებებს, ალბათ არის შანსი, თუმცა მულტფილმის წარმოება სულ სხვა რესურსებთანაა დაკავშირებული. თუ იქნება სერიოზული დაინტერესება, ბუნებრივია, განვიხილავთ. აღსანიშნავია ისიც, რომ ანიმაციის გარდა, „საქართველოს ბანკის“ იდეით, ბათუმში „ზებრა“ გადასასვლელი, სადაც კუპატას ბა-

ვშვები გადაწყვედა, მოიხატა მისადმი მიძღვნილი ნაკაღევი. „საქართველოს ბანკმა“ კუპატაზე შექმნა, ასევე, ციფრული კომიქსები, ეგრეთ წოდებული ფისბუქები და პოსტერები.

თამარ ლამაზაძე

„ჩემი ქუჩაში ველურად შოხილი პირგო - ხელოვნება იცვამს ფრასს, იკეთებს კალსტუხს და შედის მწერალთა სახლში...“

არის შეხვედრები, რომლებსაც მხოლოდ ღონისძიებას ვერ დაარქმევ, რადგან განსაკუთრებულად ხდება გულს, აღვიძებს განცდებს, რაც დიდხანს მიგვყვება. სწორედ ასეთი საღამო გაიმართა აჭარის მწერალთა სახლში, სალონური შეხვედრების - „სტუმრად ვახტანგ ღლონტთან“ ფარგლებში, რომლის მთავარი გმირი ამჟერად მხატვარი იოსებ ჯორბენაძე გახლდათ.

საღამოზე, რომელსაც მხატვრის ოჯახის წევრებიც ესწრებოდნენ, თბილი და მეგობრული გარემო სუფევდა, ამ ახალგაზრდა ხელოვანის ნამუშევრებს ბათუმის ქუჩებში დიდი თუ პატარა შენობების კედლებზე შეხედებით. ისინი სიყვარულის ემოციას გიტოვებენ. იოსებმა გულწრფელად ისაუბრა საკუთარი შემოქმედებითი გზის შესახებ - იმ პირველ ნაბიჯებზე, რომლებიც ხელოვნების სიყვარულმა გადაადგმევინა, სირთულეებზე, რაც გადალახა და სიხარულზე, რასაც თითოეული ნახატი ანიჭებს. ეს იყო საღამო, რომელმაც კიდევ ერთხელ შეგვახსენა, რომ ხელოვანის ქმნილება სწორედ მაშინ იძენს ნამდვილ ღირებულებას, როცა მასთან უშუალო შეხვედრისას ავტორის სულს ვგრძნობთ.

- იოსები ასაკით პატარა ბიჭია, მაგრამ უკვე გახდა ამ ქალაქის ნაწილი. ის იოლად არ მოსულა, სიჭიფით, ბრძოლით მოვიდა, იმით, რომ ხელოვნება, რომელიც იგი ემსახურება, ცოტა უცხოა, ახალია და, ასე ვთქვათ, წვალებით იმკვიდრებს თავს, როგორც ყველაფერი განსხვავებული. ყოველთვის ვამბობ, რომ უფალი ნიჭს კი არა, ნიჭებს იძლევა და მთავარი ადამიანობის ნიჭია, რომელიც მოჭარბებულიად აქვს ამ ბიჭს, რაც ფასს მატებს მის ხელოვნებას და სხვაგვარად ამოიღებებს. სულ მაინტერესებს, ნახატის, ლექსის იქით ვინ დგას, როგორი პიროვნებაა და ესაა ჩემთვის ყველაზე მთავარი. მინახავს ისეთი დიდი სახეები, რომლებსთვისაც თავი დამიკარვს და გამივლია, არ გამიგროძებლობს ურთიერთობა მიუხედავად იმისა, რომ მათ ჰქონდათ ამის სურვილი. უბრალოდ, უსაფრთხოე-



ბის, კულტურის წესი დამიცვია და წავსულვარ. მოგესხენებათ, სალონურ საღამოებს თავის სფეროში დამწყებებსაც და ხანდაზმულებსაც ვუწყობ. ამ ბიჭს კი, ჩავფაღვ, ჩემგან რაღაც ეკუთვნოდა და სწორედ ამიტომ მოვიწვიე. იოსებმა უკვე აჩუქა თავისი სახელ-გვარი ამ ქალაქს და მინდოდა, ამ საღამოთი ხელი შემეწყო მისი დამკვიდრებისთვის. ვფიქრობ, რომ ეს საღამო მხოლოდ იოსების კი არა, ჩემიც და თქვენიც იყო. ასეთი საღამოები სიყვარულის, მადლიერების გაკეთილებაა და ვიცი, რომ ჩვენი ქალაქისთვის ხვალინდელი დღე უფრო თამამი და სარგებლანია იქნება, - გვითხრა ვახტანგ ღლონტმა.

- ბოლო პერიოდში განებივრებული ვართ იმით, რომ ვახტანგ ღლონტის ეს პროექტი ხშირად ჩვენი ტარდება და ის საინტერესო ადამიანები, ვინც ამ ღონისძიების ფარგლებში ჩვენთან მოდიან და საუბრობენ, ძალიან მნიშვნელოვანია ამ ფუნქციის მქონე

შენობისთვის. რაც შეეხება დღევანდელ სტუმარს - იოსებს, სულ ვამბობ, ბათუმი რომ ცოცხალი მუხეუმი, მისი დამსახურებაცაა. ყველას არ შეუძლია გალერეებში შესვლა, შეიძლება ზოგიერთს არც აინტერესებდეს, მაგრამ ის, რომ ქალაქი ასე ლამაზადა მოხატული, ძალიან მოსაწონია. დანიშნულებაც ეს არის. ვფიქრობ, ეს ბიჭი არის ის ადამიანი, ვინც ზუსტად ხდება, სად რა დახატოს და მე მომწონს მისი შემოქმედება. ანონსად გეტყვით, რომ ჩვენ მალე მის გამოფენას მოვაწყობთ, ვუმასპინძლებთ კიდევ ერთ შეხვედრას ჩვენს ახალ სივრცეში, რომელსაც სულ მალე გავხსნით, - გვითხრა აჭარის მწერალთა სახლის დირექტორმა ლალი კონცელიძემ.

- როდესაც შემოქმედება აკადემიურ სივრცეში შედის და ადამიანებით ერთიანდება, ის ძალიან ცვალებად ფორმას იღებს, რაც ლავირებადია და პროცესში ყალიბდება. ჩემი აზრით, ღმერთი ადამიანებად დაიმარ-

ცვლა. ეს დამარცვლილი ხალხი ვიკრიბებით და ვქმნით რაღაც სახის წინადადებებს, რომელსაც შემდგომ ვიმასხვრებთ, გაზეთებში ვუშვებთ, ტელევიზიაში გადის ან, უბრალოდ, ჩვენი გულის გულში ვინახავთ. დღევანდელი სალონური საღამო იყო ათმაგად უფრო მნიშვნელოვანი, რადგან ბატონ ვახტანგ ღლონტის გვერდით ვიყავი და ეს ადამიანი ჩემი მისამართით იმ სიტყვებს ხარჯავდა, რაც ჩემში ძალიან დიდ ემოციას, სიმშრვალეს, სისხლის დუღილს იწვევდა. ის არის ადამიანი, რომელმაც წვამად აქცია ბათუმი, თავის ლექსად და სიტყვად დაღვარა მთელი თავისი არსი, შემოქმედება, რეგიონის და ქართული გენის მნიშვნელობა. ჩემი აზრით, როცა ის თუნდაც ერთ სიტყვას მომართავს შენკენ, ეს უკვე დიდი მიღწევაა. სალონური საღამო შედგა ზუსტად იმ მომენტებიდან, როცა მე ვახტანგ ღლონტის გვერდით ვიქევი. არ შემიძლია არ აღვნიშნო ის ხალხი, რომელიც გარემოს ამშვენებდა თავისი ემოციურობით, სილამაზით და განწყობით. ამ დროს მათგან იღებ ენერგიას და მუხტს, რაც შემდეგ გაძლევს ძალას, რომ რაღაც ახალი აკეთო. ახლის კეთება ყოველთვის წარსულში ქექვას ჰგავს საბოლოო ჯამში და თუ წარსულში იქეჩები, ესე იგი აწმყოშიც ძალიან ორიენტირებული და კონცენტრირებული ხარ. მოხარული ვარ, რომ დღევანდელი საღამო, რომელიც სტანდარტულზე უფრო დიდხანს გაგრძელდა, ძალიან მნიშვნელოვანი იყო ყველა ადამიანისთვის, ვინც ისმენდა შემოქმედებაზე, განვილი გზაზე, სამომავლო გეგმებზე საუბარს და ეს აუცილებლად გამოიხატება მატერიალური ფორმით, შემოქმედების აკადემიურ სივრცეებში, ჩემი ქუჩაში ველურად შოხილი პირგო ხელოვნება, რომელიც არცერთ ჩარჩოს არ ექვემდებარებოდა, დღეს იცვამს ფრასს, იკეთებს კალსტუხს და შედის მწერალთა სახლში, უწყებებში, საპროექტო სივრცეებში და იქ ტრეკებს თავის კვალს, - გვითხრა იოსებ ჯორბენაძემ.

მარიამ ხითაიშვილი